



Pronto lo cuminsa cu saneamento di dump na Parkietenbos



Pagina 4

- **Minister Glenbert Croes: “Nos yiunan di tera mester ta prome pa haya un trabao”**

Pagina 3

- **Studentenflat den Oranjestad ta bira un realidad**

Pagina 6

- **Awor WEB ta dispone di servicio di mantencion Turbo Cartridge pa motornan RECIP**

Pagina 2

Legisladornan di Corsou ta busca claridad riba status actual di gobierno



Pagina 8

Hues ta menasa Elon Musk di suspende “X” na Brazil



Pagina 10

Contrabandista ta tira migrantenan for di boto pa evita aresto, segun Wardacosta Griego



Pagina 24



**Na TUI bo ta risibí
hopi pa bo pasashi**

Dicidi p'abo mes cuanto kilo di ekipahe
bo ta hiba riba bo biahe di ida y buelta

Scan e
QR-code
pa mas
informashon

Awor WEB ta dispone di servicio di mantencion Turbo Cartridge pa motornan RECIP

Diamars dia 27 di augustus ultimo, colega, contratistanan di WEB Aruba y representantenan di compania Accelleron a bini hunto pa finalisa y celebra e proyecto Turbo LifecycleCare.

Director di WEB, Alfredo Koolman y di CEO Sr. Ihab Hlayel di ACCELLERON, a finalisa oficialmente e prome 'refurbish' di un Turbo Cartridge (TC), turbocartridge ta un pisa critico pa funcionamiento eficiente y confiabel di motornan RECIP.

E acuerdo cu ACCELLERON ta ofrece e oportunidad pa ehecuta trabounan di mantencion y reparacion di TCnan na Aruba, door di expertonan di ACCELLERON y cu sosten di empleadonan di WEB. Esaki ta contribui na un operacion confiabel, eficiente y continuo.

Casi 10 luna pasa, dia 08 di november 2023, a tuma luga e firmamento di e acuerdo cu ACCELLERON pa percura e disponibilidad di pisa y servicio esencial pa e 'Turbo



Cartridges' pa un termino di 10 aña.

E acuerdo cu ACCELLERON ta percura cu e pisanan critico ta disponibel. Esaki lo haci mas cortico e tempo pa haci reparacionnan riba e motornan RECIP. Importante pa menciona ta cu e acuerdo aki ta ofrece e oportunidad tambe pa ehecuta trabounan di mantencion y reparacion na Aruba en bes di den exterior, door di expertonan di ACCELLERON y cu sosten di empleadonan di

WEB, locual ta bentahoso pa un operacion confiabel, eficiente y continuo. Coleganan di WEB a haya e oportunidad di sigui cursonan pa desaroya nan conocimiento di entre otro, turbochargers.

Desde aña 2006 WEB ta manda TC bay service den exterior, cual ta trece hopi reto. Tin hopi exigencia principalmente debi na e peso y e hecho cu carga por sali di Aruba solamente cu Air freight. Ta obvio cu gasto di carga y flexibilidad den op-



eracion a pone cu a cuminsa sondea e opcionnan di tin e TCnan semper on-site, cla pa uso. Desde cu e esfuersonan a start na 2019 te cu awor, a tuma casi 5 aña pa logra pero awe e ta un realidad.

E shop on-site ta habri un porta pa mecaniconan yunan di tera ta mas prepara pa gana experiencia den kita turbo for di motor, pero tambe pa siña con ta haci servicio un turbo for di comienso te final. Cu e shop y asistencia di Accelleron on-site, empleadonan

di Onderhoud Centrale di WEB tin e oportunidad di observa mas di cerca e "cause and effect" cu tin riba turbo cartridges motornan di WEB. Asina lo por traha hunto cu ACCELLERON pa averigua con por minimalisa daño na TCnan door di factornan exterior.

Pa awe mainta for di 10or di mainta te cu 12 di merdia, WEB a anuncia un ceremonia cu Bredenoord pa loka ta trata "Temporary 20MW Power Supply."

Mester un solucion structural pa elimina problema di sushi rond Aruba

Den siman Bureau City Inspector (BCI) a ricibi varios melding di luganan cu ta hopi sushi, un problema cu continuamente mester di atencion. A pesar di e esfuerso di e departamentonan concerni, ainda no a logra bin cu un solucion structural pa elimina e problema di sushedad rond di e isla.

Un di e meldignan cu BCI a ricibi tabata trata un cantidad di sushi cu tabatin adelanto edificio di Corte di Aruba. Segun informacion cu nan a publica riba nan pagina di Facebook, adictonan ambulante cu ta frecuente e area aki tabata trece sushi y laga nan den e parke dilanti di e edificio di Corte den centro di ciudad.

Otro melding a dirigi nan pa San Nicolas caminda den Jansteestraat nan a encontra un cantidad di sushi acumula riba un tereno, cual e ploegnan di BCI a recoge y laga e luga completamente limpi.

E problema di sushedad rond di e isla ta keda persisti y un di e motibonan principal pa



esaki ta e irresponsabilidad di ciudadanonan cu no ta deshaci di nan desperdicio manera debe ser. Di otro banda otro factor cu ta influi den e problema aki ta cu desde cu dump na Parkietenbos a cera ciudadanonan por deshaci di nan desperdicio na cierto companianan designa, pero esaki tin un costo cune y pa hopi e costo aki no ta accesibel. Na esaki mester agrega tambe cu e costo di containernan di huur pa benta cantidadnan grandi di desperdicio afo tambe ta inaccesible pa hopi.

Pa yuda mitiga e problema, gobierno a bin cu e iniciativa di Baki den Bario, cual a cuminsa desde aña pasa den luna di september y ta tuma luga un biaha pa luna den diferente bario rond di Aruba. E iniciativa aki ta incentiva e ciudadanonan pa separa nan desperdicio y deshaci di esaki di un manera responsabel.

Diasabra 31 di augustus e siguiente Baki den Bario ta tuma luga den Hooiberg. Baki den Bario a cuminsa aceptando cinco diferente



tipo di desperdicio basa riba e tiponan di desperdicio cu ciudadanonan tabata hiba dump na Parkietenbos mas frecuentemente.

Despues di e prome actividad a tuma decision pa pone baki apart pa taira y carton, a cuminsa acepta azeta di cushina usa y a cambia e orario pa un ora mas prome, for 7or di mainta te cu 11or di mainta.

Mester remarca cu Baki den Bario no ta habri pa desperdicio comercial, solamente desperdicio residencial y no

ta acepta asbestos tampoco.

Potret: pagina di Facebook Bureau City Inspector.



Minister di Integracion Glenbert Croes:

“Mester tene cuenta cu e maneho unda nos yiunan di tera mester ta prome pa haya un trabao”

Bon Dia Aruba den edicion di dia 27 di augustus a publica un articulo tocante maneho nobo pa migrantenan na unda riba red social ciudadanonan a haci diferente cuestionamiento tocante esaki, ayera minister di Labor, Energia y Integracion den un conferencia di prensa a amplia un poco mas riba e topico aki.

Minister Croes a menciona cu den Handboek Toelating aproba na 2023 den conseho di minister tin cierto maneho di instruccion cu nan mester saca pa loke ta trata procedemento, entre otro, na unda nan a traha hunto cu diferente gremio manera AHA-TA, Comerciantenan Uni Aruba, ATIA, Camara di Comercio y cierto sindicatonan, vooral esnan den sector priva cu a haya nan participacion.

E mandatario a duna un conseho riba un di e instruccion di maneho cu nan a traha cu e gremionan pa loke ta trata alternative legal pathways cu a cuminsa door di e pandemia unda nan a bay wak unda nan por percura pa crea un pathway pa hendenan por a keda door di e ciere di frontera pa via di pandemia y wak con por duna un caminda pa migrantenan por bira legal.

“Claro, loke nos semper a enfoca riba dje ta cu mester a base di necesidad cu tin riba mercado laboral, mester tene na cuenta cu e maneho unda cu nos yiunan di tera mester ta prome cu bin na remarke pa haya un trabao,” minister Croes a sigura.

Pero loke a pidi, segun el a sigura, a raiz di e recuperacion economico cu Aruba a



experiencia desde pandemia, adicional na esey tin hotelnan cu mester habri, e transformacion di e refinaria unda lo bin diferente proyecto manera Eagle LNG “p’esey mes na e momentonan aki ora nos ta anunciando Enseñansa Pa Empleo na San Nicolas dirigi riba funcionnan tecnico, bo ta weita cu e demanda ta bay bin di eynan.”

Pa e motibo aki, nan ta enfoca riba e demanda laboral pa por termina e construcion di e hotelnan y un bes cu nan construcion lo finalisa, hotelnan ta bay habri y e ora ey mester bay yena e cuponan di trabao den e diferente hotel aki y industrianan riba zona energetico cu ta bay bin.

Minister Croes a detaya cu loke gremionan a pidi ta pa flexibilisa e rekisitonan di admision y haci nan un tiki mas facil.

E motibo di pakico e maneho nobo di admision aki no a

bira publico door di e ministerio di Integracion ta pa motibo cu el a ser dirigi riba sector hotelero “pero eigenlijk e no ta corecto, no ta sector hotelero so ta pasando door di un desaroyo of un boom economico. Tur otro sector manera restaurantnan, boutiquenan, tur negoshi, pero tambe sector primario otro sectornan cu ta bay ta den auge, nan tambe ta bay tin mester di trahado capacita pa por yuda nan,” el a sigura.

Den cuadro di implementacion di e instruccionnan di politica aki, lo mester haci un distincion entre e categoria di “migrantenan ya presente” y “migrantenan nobo”, cu e fecha di yegada ta e criterio pa distingui entre e dos categorianan.

Segun e documento cu ta contene e maneho nobo aki, ta indica cu:

1 - Tur stranhero cu a drenta Aruba legalmente prome cu 1 di januari 2024 ta cay den

e categoria di “migrante presente caba.” Esnan cu despues a drenta legalmente lo wordo clasifica como “inmigrantenan nobo.”

2 - Un migrante presente caba por, for di momento cu e ta biba legalmente na Aruba y ta den posesion di un permiso di estadia of di trabao, mesora entrega un peticion pa un permiso pa metanan di “Reunificacion Familiar”.

3 - Inmigrante presente caba cu a termina cursonan di por lo menos 12 siman den Enseñansa pa Empleo (EpE) cu exito, ta keda exonera di e test di mercado laboral.

Pa esaki, DIMAS ta bay consulta DPL den un periodo di dos siman segun minister Croes a señala pa e maneho di instruccion nobo aki.

Segun e criticanan cu nan ta hayando, minister Croes a bisa cu esaki no ta flexibel lo suficiente.

“Mi ta compronde esey, pero

e hecho cu no ta flexibel suficiente, tambe ta pa un motibo. Nos kier bay paso a paso, pa bo no haciele flexibel demas. Pa bo no sacrifica e preferencia cu bo mester duna na bo yiunan di tera pa haya oportunidad di trabao den e demanda laboral,” minister Croes a bisa.

Tambe, minister Croes a haya critica for di oposicion pa loke ta trata trece migrantenan di afo pa traha na Aruba, pa esaki el a declara cu e alternative legal pathways ta duna preferencia na stranheronan cu ta fisicamente na Aruba caba, por lo cual, nan a sali for di e punto di bista cu “tur di nan, tin nan luga di biba caba.”

Nan ta poniendo como condicion na esun cu ta pidi pa trece trahado na Aruba sea contratista, empleado of compania, cu nan mester zorg pa un cas adecua.

“Nos ta den un situacion unda cu mester crea un herment den maneho pa sigura cu nos por cumpli cu demanda laboral pero toch di un forma cu, solamente un 4% di desempleo ta bisa cu tin mas di 2,000 ciudadano Arubiano cu ta sin trabao y nos kier pa tur di nan haya trabao, pero ta bay desafionan unda e 2,000 hende ey no ta bay haya trabao pero nos mester percura pa gran mayoria di nan haya trabao,” minister Croes a expresa.

Pa finalisa, el a informa cu e proceso di otorgamento di permiso ta bay tarda tres siman, despues e persona ta haya un pre-aprobacion y despues di esey tin seis siman pa termina e proceso na DIMAS.



Pronto lo cuminsa cu saneamento di dump na Parkietenbos

Durante un conferencia di prensa ayera mainta minister di Transporte, Integridad, Naturalesa y Asuntonan di Adulto Mayor, Ursell Arends, a elabora tocante e proceso di saneamento di dump na Parkietenbos. Segun el a informa, e proceso di saneamento lo cuminsa den proximo lunanan y lo ta a caminda pa transforma e tereno aki den un parke solar.

Manera ya ta conoci dia 31 di december 2022 Gobierno di Aruba a tuma e decision pa cera dump di Parkietenbos pa publico. Dump na Parkietenbos ta existi pa alrededor di 70 aña y cu candelanamente constante e tabata un molester pa e pais y pa henter e bisindario di na Parkietenbos.

Minister Arends a splica cu pa por a yega na e posicion y decision pa cuminsa cu e saneamento di e tereno aki, mester a zorg pa stop e desperdicio di yega e pa asina nan por a cera e dump.

El a sigui splica cu pa sana e dump di Parkietenbos ya caba varios paso a tuma luga. E prome paso tabata pa redirigi e desperdicio cu tabata yegando Parkietenbos pa otro companianan. El a indica cu



desde 2018 desperdicio residencial y comercial tabata yegando otro compania caba y e otro tiponan di desperdicio tur a keda redirigi pa diferente compania pa nan proceso den un forma responsable.

Una bes cu desperdicio no tabata yegando mas dump na Parkietenbos, Serlimar a cuminsa prepara e tereno pa trabaonan di e saneamento por a cuminsa tuma luga. Tur desperdicio cu ainda tabata riba dump a keda separa pa tipo y esaki tambe a keda redirigi pa otro compania.

A mandatario a resalta cu na e parti di costa di e dump, ainda tin metal cu por redirigi,

pero e trabaonan aki lo tuma luga den un fase mas avansa pa motibo cu no ta sigur pa e trahado- y mashinnan opera den e area aki na e momentonan aki.

El a indica cu pa por cuminsa cu e trabaonan di saneamento Serlimar a pidi un hindervergunning. A entrega e desde 15 di maart 2023 y, segun el a menciona, nan ta pendiente na e momentonan aki pa ricibi e hindervergunning na cualkier momento.

E siguiente pasonan cu ta bay tuma luga pa trabaonan di saneamento di dump di Parkietenbos ta instalacion di “monitorwells” y trabaonan

pa remedia asbestos. Minister Arends a splica cu lo realisa e instalacion di e tres “monitorwells” na tres diferente punto riba e sero y cada un lo tin 20 pa 30 meter di profundidad.

El a remarca cu e obhetivo di e monitorwells aki ta pa identifica e composicion di e sero durante cu drilling ta tuma luga. Unabes cu instalacion keda cla, nan lo fungi tambe pa monitor e “hotspots” (puntanan cardinal) den e sero y tambe radioactividad cu tin.

El a sigui splica cu expertonan lo monitor gasnan methano cu tin den e sero y tambe e estabilidad di esaki pa por realisa e trabaonan cu ta andando den diferente fase.

Adicionalmente lo monitor e likido cu por bay den awa, ora awa yobe, y cu por contamina e bida marino cu tin den e area ey.

E mandatario a enfatisa cu e “monitorwells” no solamente lo fungi como fuente di data pero tambe ta un di e hermentnan pa e seguridad di e trahadonan durante e trabaonan pa saneamento di dump di Parkietenbos.

Pa lora ta asbestos, el a indica cu despues di e cierre di dump, tin alrededor di 27 container di asbestos ainda riba tereno di dump y nan ta varia di 20 y 40 pia di grandura. A traves di potretnan aereo cu a saca di e area, minister Arends, a resalta cu ta visibel cu e integridad di e container tambe ta varia pasobra tin di nan cu ta frustia tambe.

Asbestos ta un material peligroso pa salud y medio ambiente y mester atende cune den un forma corecto y estricto.

Pa esaki el a informa cu desde diabierna 23 di augustus 2024 e anuncio pa destaho pa e trabaonan di saneamento di asbestos riba dump a keda publica. E trabaonan pa saneamento lo encera un asbestos cel nobo pa por coregi e manera con tabata y ta anda cu asbestos riba Parkietenbos.

El a splica cu den e añanan cu a expande dump, un asbestos cel nobo e tempo ey a keda estableci y e grandura di esaki ta 50 pa 50 meter cu un muraya di entre uno pa dos meter di altura riba nivel di awa. Ademas di esaki tin un muraya tambe yama “bondwall”, cu segun el a indica, basa riba inspeccionnan cu a tuma luga tanto door di expertonan local y internacional, ta bao di e superficie di tera.

Esaki ta nifica cu bao di e containernan di e asbestos cel recien, probablemente tin un otro capa di container y basa riba e inspeccionnan realisa pa expertonan, e investigacionnan profundo revisando documentonan y reunionnan cu diferente instancia local, ta sospecha cu tin varios container di asbestos cu no ta full yena, pero si no entre 50% pa 70% yen y e calidad di empaque tambe ta varia.

E mandatario a remarca cu simplemente laga e containernan cu ta dera bao tera manera cu nan no ta posibel pasobra den futuro e containernan aki lo por sink y expone e asbestos.

El a indica cu durante e trabao di saneamento lo bay haci inspeccion di e containernan cu den pasado a ser dera pa wak e estado di nan y tambe yenan completamente pa evita cu nan ta sink den futuro y despues di esaki probablemente nan lo keda unda nan ta.

Por ultimo, minister Arends a indica cu e documento pa saneamento di asbestos ta inclui un ‘Environmental and Health Safety Plan’ cu ta stipula tur e rekisitonan cu e companianan cu gana e destaho aki mester atene na dje. E plan aki tambe ta valido pa tur trahado di Serlimar cu ta riba e tereno y cu ta involvi den e proyecto aki.

E destaho pa saneamento di asbestos ta solamente valido pa companianan reconoci door di DTI.

SANEAMENTO: DUMP DI PARKIETENBOS (ASBESTOS)



DUESPUES DI CIERRE

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Awa ta cabando Varios dam ta bashi

Awa ta esencial den bida di e ser humano. Si no tin awa no tin bida. Bo por tin e mihor suelo, e mihor simia y hopi pasion y gana pa practica agricultura, pero si no tin awa no tin nada. P'esey na momento cu tin awa us'e semper consciente.

Pa varios aña caba Aruba no a conoce un temporada di awasero torencial. E awasero cu tin custumber di yobe na Aruba ta algo pasahero cu na varios ocasion no ta suficiente pa yena nos damnan cu awa. Ta simplemente ta yobe un awasero poco duro un rato y despues di esaki nada mas. No ta duna e chens pa rooinan por forma pa por yega na e damnan cu tin rond di Aruba.

Otro caso tambe ta cu ultimamente awa ta yobe sporadicamente. Un ehempel ta cu kisas na San Nicolas awa ta yobe duro, pero otro caminda manera Santa Cruz y vecindario no. Despues bo ta tende cu na Noord tambe awa a yobe duro. Asina por sigui menciona di e ultimo casonan con awa ta yobiendo ultimamente na Aruba.

No lubida tambe di tanto segura suelo di Aruba ta hopi seco. Esaki ta haci cu na momento cu poco awa yobe e suelo mes ta tene e awa. P'esey ta un torencial awasero mester cay pa asina nos por disfruta di mira e damnan yena. E segura aki no ta na Aruba so, pero por ehempel cierto parti na Mexico, caminda cu tin practicamente tres aña sin cu awa ta yobe, creando un problema grandi pa e agricultornan. Sector Primario ta hayando golpinan duro di segura. Ki-

sas e cambio climatico por ta e causante.

Por a cuminsa tuma nota cu nos damnan rond Aruba nivel di awa ta bahando indicando cu nos di Santa Rosa tambe mester cuminsa baha cantidadnan di entrega di awa di dam cerca nos clientela agricultor. Si dado caso bo tin custumber di pidi tres truck di awa pa entrega, purba baha e cantidad maske ta cu un truck y pidi dos truck. Esaki ta yuda nos cumpli tambe cu otro agricultornan y alarga e awa pa e por dura maske algun siman mas te ora cu awasero cay.

Por mira algun dam practicamente bashi y tambe varios dam ya caba no tin awa mes mas. E parti mas abao ta e lodo bo por mira y tin algun cu yerba a cuminsa crece. Esaki ta haci un tiki dificil tambe pa haci e damnan aki limpi debi na e cantidad di lodo.

Dam di Noord nivel di awa ya caba ta hopi abao. Mesos esun di Rooi afo. Dam di Cas Ariba totalmente bashi y esun di "Pal'i Boonchi panort di Weng Kee Supermarket na Piedraplat. Dam di Rooi Bosal tambe ta totalmente bashi.

Corda e poco awa cu ta kedando nos mester bay us'e consciente. Haci conexionnan di irigacion cu por yuda bo usa menos awa. Percura controla bo conesionnan di tubo pa no tin "lik" y awa ta bay perdi innecesariamente. Purba mantene e matanan na bida en bes di bay duna nan e cantidad di awa manera custumber y kisas tambe innecesario. Na esnan cu tin mester di awa pa Agricola lo ta bon pa usa esaki un poco mas.

Nos ta haci apelacion encariadamente pa tene cuenta cu esaki pa Departamento di Agricultura, Cria y Pesca Santa

Rosa por sigui cumpli cu otro agricultornan y comparti e poco awa cu ta kedando den nos damnan rond Aruba.



Minister Geoffrey Wever:

“Studentenflat den Oranjestad ta bira un realidad”

Diamars atardi, 27 di augustus, durante un evento ceremonial, den nomber di gobierno di Aruba, Minister Geoffrey Wever simbolicamente a traspasa e ex edificio di OM pa Fundacion Cas Pa Comunidad Arubano (FCCA), cual lo bay ehecuta e proyecto.

Parti di e vision di Minister Geoffrey Wever ta pa mas hende cuminsa biba y frecuenta den centro di Oranjestad. Pa logra esaki, e rescate di edificionan bandona den nos centro di ciudad ta esencial. “Gobierno di Aruba como propietario di diferente edificio den Oranjestad mester ta e ehempel y awe nos ta haciendo esaki” segun minister Geoffrey Wever. Solamente cu sosten di sector priva gobierno por logra trece cambionan grandi manera esun aki. Asina aki trece bek e bida cu nos tur kier mira den Oranjestad.

“Mi ta sumamente orguyoso cu awe nos por firma e traspaso di e edificio di ex-OM cu FCCA,” Minister Wever a cuminsa ta bisa. E iniciativa specifico aki ta forma parti di un esfuerso di mas cu 2 aña y awe nos ta wak e frutonan amplio den revitalisacion e



centro di Oranjestad. Poco poco nos lo trece bida bek den centro di nos capital.”

FCCA lo bay converti ex edificio di OM den 19 vivienda pa estudiante cu lo brinda e posibilidad na tur esnan interesa di establece nan mes den centro di ciudad den un espacio nobo y accesibel pa tur estudiante. Den e mesun edificio aki lo acapara 3 espacio comercial den cual diferente tipo di actividad comercial ta proyecta pa bini. Un inversion di FCCA di aproximadamente 4.5 milyon Florin.

Minister Wever ta comprometi pa revitalisa e curason di nos capital, y transforma espacionan bandona den oportunidadnan nobo pa desaroyo economico. Oranjestad ya por conta cu diferente edificionan renoba manera esunnan di Aruba Fair Trade

Authority (AFTA) un entidad nobo cu Minister Wever a establece na Aruba pa garantisar comercio husto y di calidad. Alabes, a muda FREEZONE tambe den Caya Grandi. Na comienso di e aña aki a cuminsa cu renobacion di Cas Veneranda unda lo bay bira e cas nobo di Departamento di Asuntonan Economico cu tambe ta resorta bao di Minister Wever. Cumpliendo asina cu su compromiso pa trece tur departamentonan cu ta resorta bao di dje den nos centro di ciudad. Departamentonan di gobierno BIE y SEDECO tambe ta den proceso pa muda den november den edificio di ex-Interbank, mientrastanto tin conversacionnan andando referente e futuro desaroyo di e warda di polis na Wilhelminastraat cual actualmente ta bandona y mester ser rescata, segun minister Wever.



Comienso di Wilhelminastraat a haya un facelift y pronto lo cuminsa cu Fase 3 cu ta situa den area di Lagoen caminda lo amplia parkeo rond di area y lo instala den cooperacion cu N.V. Elmar, “charging stations” pa autonan electrico. Mientrastanto ta ehecutando un ciere di proyectonan grandi ta sigui cu instalacion di luznan nobo y barinan di desperdicio, mantencion di vegetacion y planta nobo caminda tabata necesario.

“Oranjestad a haya su debido atencion durante e ultimo añanan y nos ta consciente cu tin mucho mas pa haci pa por hiba nos ciudad back na su gloria. Sinembargo, tur esfuersonan haci ta un muestra di nos compromiso pa duna contenido na nos vision di revitalisa Oranjestad, y nos ta agradecido y ta contento pa mira cu e ta dunando su frutonan.”

Awe abo por ta e siguiente miyonario di Aruba!

Sorteo ta awe nochí

Diamars anochi e resultado di Mini Mega a ser conoci unda cu e numbernan cu a sali tabata 02-12-14-29 y Mega Ball: 10 y no tabata tin ganador pa e prome premio. Segundo premio a conoce un solo feliz ganado cu tabata tin e 4 numbernan bon, pero sin e Mega Ball.

Ticketnan ganado a wordo bendi na The Perfect Magic Lottery y a gana e suma di Afl. 32.500,-. E suma di e jackpot ta sigui crece y pa awe e suma ta bira 1 milyon 350 mil florin! Cu solamente 5 florin bo tin chens di gana e jackpot di Mini Mega cu ta 900 mil florin y cu solamente 2 florin mas bo tin chens di gana e jackpot di Mega Plus di 450 mil florin!

Corda busca bo Mini Mega y Mega Plus trempan, pa asina

bo no keda afo di e sorteo miyonario di awe nochí cu Lotto, e Loteria di Aruba. Tambe Lotto ta ofrece bo e opcion pa por cumpra bo weganan di Lotto Online, kiermen si bo no tin chens pa sali cumpra bo weganan preferi di Lotto, bo por cumpr’e for di bo smart phone, tablet of bo computer!

Si ainda bo no tin un cuenta di Lotto Online, bishita www.lottoaruba.com, traha bo cuenta di hungado y asina cu bo wordo aproba, bo por cuminsa hunga Lotto online tambe!

Pa segura bo Mega Ball, bo por cumpra bo numbernan di suerte of un loco y pidi pa e combo di All Mega Ball cu lo costa 75 florin y cu Mega Plus, e ticket lo costa 105 florin. Scoge bo numbernan di 01 te cu 30 y pidi bo rebend-

edo preferí pa bo combo di All Mega Ball pa asina bo tin tur e Mega Ballnan den wegá!

Cumpra bo ticket trempan pa bo tambe den wegá pa gana e gran total di 1 milyon 350 mil florin!

Lotto, E Loteria di Aruba tin diferente wegá, Catochi, Big 4, 1-OFF, Zodiac, Wegá di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus, y e diferente weganan di Raspa y Gana y Instacash. Tambe lo por hunga Lotto Online door di bishita: bit.ly/3oIz5K9 pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



OMS ta bisa cu su trato cu Israel lo permiti pausanan limita den bringamento na Gaza pa vacunanan di polio



(AP)—E Organisacion di Salud Mundial (OMS) a bisa ayera cu el a yega na un acuerdo cu Israel pa pausanan limita den bringamento na Gaza pa permiti vacunanan contra polio ser suministra shen miles di yiunan despues cu un baby a contrata e prome caso den 25 aña den e teritorio Palestino.

E campaña di vacuna lo cuminsa diadomingo den centro di Gaza, cu un “pausa humanitario” durando di 6or di mainta te cu 3or di atardi pa tres dia cu por ser extendi pa un dia adicional si mester, segun Rik Peeperkorn, e representante di OMS den e teritorionan Palestino.

E esfuerso—cual a ser coordina cu autoridadnan Israeli—lo despues move pa parti sur di Gaza y finalmente e parti norte pa pausanan similar, el a conta e conferencia di prensa di e Organisacion di Nacionnan Uni (ONU) via video for di Deir al-Balah den centro Gaza.

“Mi no ta bay bisa si esaki ta e manera ideal pa sigui dilanti. Pero e ta manehable,” Peeperkorn a bisa.

E campaña di vacunacion ta diseña pa 640,000 mucha bao di dies aña, cada ken lo ricibi dos druppel di vacuna oral contra polio den dos ronda—e segunda lo ser duna cuatro siman despues cu e prome. Peeperkorn a bisa cu e pausanan humanitario ta critica pa asina famianan por trece nan mucha pa haya vacuna y despues bay back unda nan tabata kedando pa 3or di atardi.

“Nos tin un acuerdo riba esey, pues nos ta anticipa cu tur partido lo tene nan mes cu esey,” el a bisa.

OMS a bisa cu trahadornan di salud mester vacuna al menos 90 porciento di mucha na Gaza pa stop e transmision di polio. E campaña lo involvi mas cu 2,100 trahadornan di salud for di agencianan di ONU y a ministerio di Salud na Gaza, trahando na centenaes di sitio na Gaza y cu ekiponan mobil.

E pausanan humanitario no ta un alto-al-fuego entre Israel y Hamas cu mediadornan di Merca, Egipto y Qatar tin tempo ta buscando, incluyendo den discusionnan cu ta andando e siman aki. Hamas ta “cla pa coopera cu organisacionnan internacional pa sigura e campaña aki,” segun un declaracion for di Basem Naim, un miembro di e bureau politico di Hamas.

Un oficial Israeli a bisa prome cu e plan a ser anuncia cu ta anticipa cu lo ta bay tin un sorto di pausa tactico pa permiti vacunacion tuma luga. E oficial a papia riba condicion di anonimidad prome cu a finalisa e plan.

Israel no a duna comentario ayera. E ehercito Israeli a anuncia den pasado e pausanan limita den areanan limita pa permiti operacionnan humanitario.

E campaña ta bin despues cu un baby di dies luna a keda parcialmente paralisa pa un variante muta di e virus cu hende vacuna a laga den nan desperdicio, cientificonan ta bisa. E baby no a ser vacuna pasobra el a nace net prome

cu dia 7 di october, ora militantenan di Hamas a ataca Is-

rael y Israel a lansa un ofensiva di represalia riba Gaza. E ta un di e shen miles di mucha cu a perde vacunacion pa via di e bringamento entre Israel y Hamas.

Polio a ser elimina den mayoria parti di mundo como parti di un esfuerso cu a dura decadas pa OMS y partnernan. Trahadornan di cuidio medico na Gaza a adverti di e posibilidad pa un brote di polio pa algun luna, y e crisis humanitario causa pa e ofensiva Israel ta crece.

Palestinonan desplasa ta biba mayormente den camponan di tent preta, cerca di seronan di desperdicio y awa sushi cu

ta core riba cayanan, cual trahadornan di ayudo a describi como un sitio favorable pa malesanan manera polio, cual ta plama via material fecal.

E variante di polio cu e baby di dies luna a contrata a transforma for di un virus debil cu tabata originalmente parti di un vacuna oral pero a ser kita for di e inyeccion na 2016 cu e speranza di preveni brotenan deriva for di vacuna. Autoridadnan di Salud Publico tabata sa cu e decision lo laga hende sin proteccion contra e variante particular ey, cu cientificonan bisando cu e caso ta e resultado di un “fracaso no cualifica” di politica di Salud Publico.

MINI MEGA

MEGA PLUS

Cumpra bo Mini Mega y cu **Afl. 2,-** mas, bo por gana e jackpot di

AFL 1.350.000,-

Con?  **Afl. 900.000,-**

+   **Extra!**

Afl. 450.000,-

www.lottoaruba.com     

Pa mas informacion yama 525-7555 of bishita nos website lottoaruba.com

Parlamento Hulandes ta alarma pa problemanan financiero na Curaçao Medical Center

(CuraçaoChronicle) - Dificultadnan financiero enfrentando Curaçao Medical Center (CMC) a trece dilanti preocupacion den parlamento Hulandes.

Miembronan di Parlamento Faith Bruyning y Danielle Jansen di Nieuw Sociaal Contract (NSC) a entrega preguntanan por escrito tocante e topico aki tambe. E preguntanan aki ta dirigi na Secretarionan di Estado Karremans di bienestar, Salud Público y Deporte y Szabo di Digitalisacion y Relacionnan den Reino, to-

cante e rol cu e gobierno Hulandes mester hunga den atende e crisis aki.

Nan ta pidi clarificacion riba e maneranan di ambos un sosten financiero structural y sosten di un biaha cu ta bao consideracion di parti di Hulanda pa yuda CMC.

E Parlamentario su preguntanan a ser causa pa e articulo titula Curaçao's Healthcare on the Verge of Collapse: 'A Bill for the Netherlands is Inevitable,'" publica riba Fiancieel Dagblad, cual ta delinea e problemanan finan-

ciero cu ta andando na CMC desde su apertura den 2019.



E hospital tin tempo ta lidia cu deficit cu ta keda aumenta, causando problema den su relacion cu e gobierno di Corsou.

Esaki no ta e prome parlamentario cu ta trece dilanti pregunta tocante esaki. Anteriormente, parlamentarionan di GroenLinks-PvdA a trece dilanti e mesun caso dilanti gobierno di hulanda y a pusha pa e pais hunga un rol den e crisis cu ta andando na e isla.

Legisladornan di Corsou ta busca claridad riba status actual di gobierno



(CuraçaoChronicle) - Miembro di parlamento Aña Maria Pauletta di par-

tido den oposicion PAR a haci un yamado unda el a pidi pa claridad tocante e tipo di gobierno cu actualmente ta den mando na Corsou.

El a haci e apelacion aki via un declaracion riba Facebook, enfatisando e necesidad pa e gobernador di e pais, Lucille George-Wout, su clarificacion tocante si Corsou ta operando bao un

Gabinete nobo (Pisas 3), un gabinete di cuido of un gabinete interino.

Pauletta a enfatisa cu cada tipo di gobierno tin un rol diferente y responsabilidadnan. El a enfatisa cu si e gobierno actual ta un gabinete interino of di cuido, eleccionnan nobo mester keda organisa. "Mi ta kere cu nos, como pais, mester acepta e cambio sin cuestiona kico especificamente a cambia,"

Pauletta a declara.

Ademas, Pauletta a expresa preocupacion tocante e salida rapido y sin problema di e ministernan di PNP. E ta pidi compronde si nan salida a ser pidi of si esaki tabata un decision boluntario. Ademas, e kier sa si e Prome Minister Gilmar Pisas di MFK a clarifica e gobierno su direccion y si e coalicion su acuerdo a keda cambia cu e adiccion di 3

minister nobo.

E gobierno Pisas 2 a cay un siman atras ora cu MFK y PNP a dicidi di separa, cu MFK perdiendo confiansa den PNP. E partido politico KEM y parlamentario independiente Zita Jesus-Leito a huramenta nan sosten pa e administracion Pisas.

125 morto violento na Hulanda aña pasa; Hende muhe asesina mas tanto pa pareha of ex-pareha

(NLTimes.nl) - Aña pasa, 125 hende a muri na Hulanda como resultado di asesinato of homicidio - 84 homber y 41 muhe. Esaki ta 18 victima menos cu un aña anterior, pero ta mas o menos den e promedio di e ultimo diez

aña, 129 morto violento pa aña. Durante e periodo ey, mas cu mita di e victimanan muhe tabata asesina pa nan pareha of ex-pareha. CBS di Hulanda a informa cu muchanan casi semper tabata wordo asesina pa un mayor.

E cantidad di victima di asesinato y homicidio na Hulanda a ta bahando pa añas. Na 1996, 171 homber y 69 muhe a wordo asesina violentamente. "Tabatin un caida grandi, principalmente entre homber, te na 2016, cu fluctuacion anual." Despues di un subida exponencial na 2017, e cantidad di victima homber a stabilisa na un promedio di 84 pa aña. E cantidad di muhenan asesina tambe a disminui, pero menos dramaticamente. Den e ultimo 10 aña, un promedio di 41 muhe a wordo mata pa aña.

Muhenan ta wordo asesina hopi biaha pa nan pareha of ex-pareha. Entre 2014 y 2023, polis a logra identifica un sospechoso den 96% di e casonan di feminicidio. Den 54% di e casonan, e sospechoso tabata e pareha of ex-pareha di e victima. Pa muhenan entre 20 y 60 aña, esey tabata 70%. Alrededor di 20% tabata wordo mata pa un miembro di famia. Muhenan ta wordo asesina hopi biaha den nan propio cas cu un arma di hin-

camento of pa strangulacion. Pa e victima homber, polis a logra identifica un sospechoso den 87% di e casonan. Den mas cu 30%, e sospechoso tabata un conoci di e victima. Casi 1 di cada 8 caso tabata relaciona cu un ahuste di cuenta den e mundo criminal. Tres cuarta parti di e victima homber tabata wordo tira of hinca te cu nan morto.

Mucha chikito a ser asesina casi semper pa un di nan mayornan. Entre 2014 y 2023, 61 mucha bou di 10 aña a wordo asesina - 35 mucha homber y 26 mucha muhe. Den 54 caso, un di e mayornan tabata e sospechoso.

Den e ultimo decada, 73% di e victima di asesinato y homicidio tabata entre 20 y 60 aña. Dies porciento tabata menor di 20 aña, y 17% tabata riba 60 aña.

Mita di tur asesinato tabata wordo cometi den municipalidadnan grandi cu mas di 100 mil habitante. Aña pasa, mayoria di e asenatonan a tuma lugha den e tres ciudad-

nan grandi - Rotterdam (12), Amsterdam (10) y Den Haag (9). Rotterdam tambe tabatin e mayoria di asesinato den 2022.

For di 2019, e cantidad di sospechosonan den casonan di asesinato of homicidio cu eventualmente ta wordo manda corte a keda casi mesun cos. Cada aña, alrededor di 100 sospecho ta wordo culpa pa asesinato of homicidio. Den e ultimo añanan, e porcentahe di casonan di asesinato a disminui. Den 2019, mas cu 70% di e sospechosonan tabata culpa pa asesinato. Den 2023, e tabata menos cu mita pa prome biha den 20 aña.

E porcentahe di sospechosonan cu ta hende muhe a subi den ultimo añanan. Aña pasa, 10% di e sospechosonan den corte pa asesinato of homicidio tabata hende muhe compara cu 6% den 2019. E promedio di edad di e sospechosonan na momento di e crimen tabata 37 aña.

PARLAMENTO
ARUBA

STATEN VAN ARUBA

OPENBARE VERGADERING OP 4 SEPTEMBER 2024 OM
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Ontwerp-landsverordening tot wijziging van de Landsverordening politie (regeling toelating en werkzaamheden andere personen in cameratoezicht ruimten)

De Griffier,
mr.drs. Herman Ch. J. Hek

Discriminacion ta hopi presente den mercado di vivienda na Hulanda; Poco victima ta report'e

(NLTimes.nl) – Discriminacion t'ey ainda hopi presente den mercado di vivienda na Hulanda, particularmente entre hendenan cu un background no-Occidental y hende soltero, segun EenVandaag cu a descubri den un encuesta cu mas cu 18 mil hende den su panel di opinion. E gran mayoria di e victima (70%) no ta report'e.

Casi mita di e participantenan cu un background no-Occidental y un cuarta parti di hende soltero a reporta cu nan a experiencia discriminacion mientras nan tabata busca un cas den e ultimo

decada, un contraste grandi cu e promedio di 12% di tur participante. Hende di varios origen etnico y hende soltero tabatin cu haci hopi mas peticion prome cu tabata invita nan pa un bishita di un kcs, a ricibi prehuicio for di e agente di benta of e doño di cas durante e bishitanan of tabata ignora nan completamente.

Hende cu un background no-Occidental y cu frecuentemente tin un fam cu no ta zona Hulandes, ta wordo invita menos biaha pa un bishita di un cas. Un cuarta parti di e buscador di cas cu un background no-Occidental tabatin cu haci 15 of mas

peticion prome cu a invita nan pa bishita un cas cu nan tabata interesa den dje. Pa e buscador di cas promedio, esey ta hopi menos na 15%.

“Ora cu mi ta manda un e-mail pa un bishita, consistentemente no ta invita mi,” un muhe Hulandes-Marocano a skirbi. “Un biaha, mi a manda un e-mail na nomber di mi pareha Hulandes: nos a logra bay. For di e momento ey, mi a agrega su nomber na mi fam, aunke nunca mi a tuma su fam oficialmente despues cu nos a casa.”

Na e bishitanan, hende di varios background etnico regularmente ta topa cu preguntanan prehudicial of comentario for di e agente di benta. “Nos a wordo puntra rípitidamente si nos por a

paga e cas. Of nos no a wordo duna formularionan pa haci un oferta. Ora nos a puntra, nos a wordo bisa cu e cas ya a wordo bendi,” un Hulandes-Turco a bisa.

“Un doño priva di cas no tabata kier duna nos e cas. E simplemente a bisa cu e no kier huur e cas na hende cu ta parce musulman,” un otro persona Hulandes-Marocano a bisa.

Hende soltero tambe ta en contra discriminacion mas biaha cu e promedio. Un kwart di e hendenan soltero cu a participa den e encuesta ta reporta discriminacion, compara cu casi ningun participante cu un pareha of un yiu. Hopi di nan a reporta cu agentenan di benta ta considera nan un riesgo financie-

ro mas grandi cu parehanan. “Un agente di benta a rechasa mi pa motibo cu nan ta ‘dunando e cas na un pareha den e mercado di cas preta.’ Esaki ta puro coy kens. Nan simplemente kier e seguridad financiero di dos salario.”

Casi solamente un kwart di e hendenan cu a experiencia discriminacion den e mercado di vivienda a haci algo tocante esaki. Nan ta principalmente papia cu famia of amigonan, y na un grado menos a report'e na e agente di benta of na e municipalidad. Algun a comparti nan experiencia riba medionan social. 7 for di cada 10 a dicidi pa no report'e, pa motibo cu nan no tabata sa unda nan por bay of nan no a kere cu ta bay duna ningun resultado.

Hulanda:

Consehero di gobierno ta adverti tocante aumento di antisemitismo na universidadnan Hulandes

(NLTimes) – Empleadonan Hudiu na varios universidad na Hulanda ta cada biaha mas preocupa tocante e seguridad di studiantenan Hudiu y docentenan den educacion mas halto.

Nationale Commissie Aanbesteding Bedrijfsleven (NCAB) a reporta esaki riba diahuebs despues di reunionnan cu investigadornan y docentenan den preparacion pa e aña academico nobo.

Empleadonan a bisa durante e dialogo cu studiantenan y docentenan Hudiu ta haya cu e manifestacionnan pro-Palestina ta intimidando nan y kitando nan sentimento di seguridad. “Nos ta mirando

expresionnan antisemitico na nos universidadnan cu hopi desafortunadamente ta compaña e conflicto andando entre Israel y Palestina segun Eddo Verdoner di NCAB.

El a agrega cu ta “inaceptabel” pa e studiantenan Hudiu y docentenan no sinti safe. “Bo ta permiti manifesta, pero nos no por cera nos wowo na antisemitismo cu ta disfrasa como critica contra Israel.”

Verdoner a enfatisa cu e conflicto na Gaza no ta cla ainda y cu e ta, pa e motibo aki, esencial pa “ta bon prepara prome cu e comienso di e aña academico nobo pa asina por garantisa un clima safe” pa tanto e studiantenan como e docentenan cu ta Hudiu.



VACATURE

Organisatie

De Raad van Advies (RvA) is het hoogste adviescollege van de regering en de Staten van Aruba en wordt gehoord in de gevallen waarin de wet dat voorschrijft. De hoofdtaak van de Raad is het adviseren over ontwerpen van wetgeving. In dat kader voert hij een rechtmatigheids- en doelmatigheidstoets uit. Daarnaast is de RvA bevoegd om op eigen initiatief advies uit te brengen over aangelegenheden die naar zijn oordeel van bijzondere betekenis zijn. Bij het opstellen van de adviezen van de RvA worden juridische, financiële en maatschappelijke consequenties betrokken en strategische visies ten aanzien van bestuurlijk-juridische aangelegenheden ontwikkeld c.q. gestuurd en begeleid. De Raad telt vijf leden waarvan één de voorzitter is. De Raad wordt in de uitvoering van zijn taken bijgestaan door een Wetenschappelijk Bureau, dat geleid wordt door de Secretaris.

In het kader van het komende vertrek van een raadslid, ontstaat er op korte termijn een vacature voor de functie

Raadslid v/m

Profiel

De Raad is specifiek op zoek naar personen met financieel-economische expertise; in het bijzonder op het gebied van macro-economie en de openbare financiën met een brede kijk op maatschappelijke kwesties. Affiniteit met het Arubaanse staatsrecht strekt hiernaast tot aanbeveling. Voorts acht de Raad voor de vervulling van de functie een aantal algemene kwaliteiten van belang. Deze kwaliteiten zijn neergelegd in een profielschets, welke opgevraagd kan worden bij de Raad dan wel geraadpleegd kan worden op www.rva.aw onder: 'Over de raad' en dan doorklikken naar 'Raadsleden', in het bijzonder 'Profielschets'.

Benoemingsprocedure

Raadsleden worden bij landsbesluit op voordracht van de Raad van Advies, voor een periode van zeven jaar benoemd.

Omvang benoeming

De functie betreft een deeltijdfunctie. In beginsel vergadert de Raad eenmaal per week.

Informatie

Voor nadere informatie omtrent de vacature kan contact opgenomen worden met de Secretaris, de heer mr. A. Braamskamp via e-mail: albert.braamskamp@rva.aw of telefonisch: (+297)583-3972.

Kandidaten voor deze vacature worden verzocht hun, met redenen omklede, brief en curriculum vitae uiterlijk 16 september 2024 te richten aan:

Raad van Advies

t.a.v. de heer mr. D.G. Kock,
Voorzitter Sollicitatiecommissie RvA
D.t.k.v. de Secretaris, mr. A. Braamskamp
albert.braamskamp@rva.aw

Uw gegevens worden vertrouwelijk behandeld.

Hues ta menasa Elon Musk di suspende “X” na Brazil

(DW) – Un hues di corte supremo di Brazil a ordena e multimiyonario Elon Musk diaranson ultimo pa nombra un representante nobo di su red social X den un tempo di 24 ora sino e plataforma ta bay keda suspendi den e pais.

Alexandre de Moraes, hues di Corte Federal Supremo (STF), a pidi Musk pa indica “den 24 ora e nomber y cualificacion di e representante legal nobo di X na Brazil.”

E decision a ser publica riba e cuenta di STF riba e red social mes, ex-Twitter, unda a tag Musk y e usuarionan di e compania.

Falta di cumplimento lo conduci na e “suspension inmediato di e actividadnan di e red social” den e pais mas grandi di Latino America, el a agrega.

E hashtag “O TWITTER MORREU” (“Twitter a muri”) a bira viral lihe riba X.

Musk, tambe fundado di Tes-

la y SpaceX, a acusa Moraes dia 19 di augustus, kende el a yama un “dictador” di a menasa su empleadonan cu prison, y a anuncia ciere inmediato di e operacionnan di X na Brazil.

Despues e compania a bisa cu e ta cera su operacionnan na Brazil debi na e accionnan di e hues pero a mantene e servicio disponibel pa e Brasileñonan.

E gobierno di presidente isquierdista Luiz Inacio Lula da Silva a critica e decision di X.

Den e ultimo añanan e compania tabatin un desacuerdo cu e Corte Supremo di Brazil.

Moraes a ordena pa blokia e cuentanan di figuranan influyente di e movimentonan ultraconservador Brasileño, principalmente desde e intentonan di partidarianan di e ex-presidente di extrema derecha Jair Bolsonaro, un admirador di Musk, pa desacredita e sistema di votacion electronico durante e eleccion presidencial gana pa Lula.



E decision di Moraes ta destina pa segura cu e plataforma ta respeta e ley Brasileño, cu ta exige representacion den e pais, e corte a bisa den e publicacion di diaranson.

Na april, X a admiti cu usuar-

ionan di varios cuenta blokia a logra evita e restriccions. Musk ta acusa Moraes di kier “censura” e plataforma.

E magnate tambe ta e tema di un investigacion di e sistema di husticia Brasileño contra

“milicia digital”, cu ta muestra riba e supuesto uso ilegal di recursonan publico door di Bolsonaro y su circulo interno pa orkesta campaña di desinformacion riba internet durante su presidencia (2019-2022).

Polis a reprimi pensionadonan cu a blokea caya na Argentina



(DW) – E pensionadonan a reuni diaranson ultimo dilanti di e Congreso Nacional di Argentina y prome cu cuminsa marcha pa e conico Plaza de Mayo, caminda e Cas Ros (sede di e Ehecutivo) ta situa, nan a ser reprimi pa personal di polis, cu a bati varios di nan y a usa peper spray, cu tambe a afecta algun informante cu tabata cubri e marcha.

E gruponan di pensionado

tambe tabata acompaña pa manifestantenan di diferente organizacion social y politico cu a uni na nan demanda contra e decision di e mandatario pa trek e ley, aproba siman pasa pa un gran mayoria den Senado.

Esaki ta establece un formula pa actualisacion mensual di pensioen cu ta combina e indice di inflacion y e variacion averahe den salarionan formal, mas un ahustacion extraordinario di

8.1%.

E represion policial tabata debi na e hecho cu e manifestantenan a blokea Avenida Rivadavia parcialmente y a nenga di cumpli cu e ordo pa regresa na e acera, despues di cua e oficialnan a purba kita nan cu forza.

Esaki a causa enfrentamentonan, den cual e Polisnan a usa peper spray y a dal algun pensionado cu

baston (palo), den aplicacion di e protocol anti disturbio estableci pa e minister di Seguridad, Patricia Bullrich.

Poco despues, sinembargo, e marcha planea pa Plaza de Mayo a cuminsa normal y a reuni alrededor di 2.500 persona, rondona pa un operacion policial fuerte.

E mandatario tin te cu dies dia di trabou pa realisa e veto contra e reforma di retiro aproba dia 22 di augustus y cu, segun Gobierno, lo implica un gasto di 1.2% di GDP.

Pensioen tabata un di e tareanan mas afecta pa e plan di ahuste di e Ehecutivo di Milei lansa desde cu el a sinta dia 10 di december ultimo, aunke na maart e mandatario a actualisa e pensioen pa medio di decreto, basa riba inflacion, y no pa medio di un formula cu a keda den forza for di 2021.

Cu un inflacion di 263.4% aña tras aña, un di esnan mas halto na mundo, Argentina tin 65% di su 6.5 miyon pensionado bou di gastonan minimo y refuerzo di emergencia cu

ta alcanza 305 dollar pa luna – na e tasa di cambio oficial – cu ta representa 82% di e salario minimo legal di e pais.

E Constitucion Argentino ta permiti e presidente pa trek totalmente ofparcialmente un ley, mientras cu Parlamento por supera esaki door di pone e proyecto na votacion atrobe y obtene e voto afirmativo di por lo menos dos tercera parti di ambos camara legislativo.

Despues di e anuncio cu lo trek e ley, Gobierno a informa cu lo realisa un actualisacion pa medio di decreto di pensioen di 4% na september, cu lo trece e activo minimo na \$314.



Cuba: Virus di Oropouche presente na tur provincia y 99 municipio di e pais

(CiberCuba) – E virus di Oropouche ta sigui extende na Cuba y actualmente ta presente na tur provincia, 99 municipio y 172 area di salud.

Mirando e aumento di e virus aki, dokter Francisco Duran Garcia, director nacional di Hygiene y Epidemiologia, a ofrece diaranson un actualisacion tocante e situacion epidemiologico di e pais den e noticiero di merdia a traves di e canal di television.

Duran a recorda cu e sintomanan, cu ta inclui keintura, dolor di cabez, dolor di joints y di musculo, sacamento y diarea, ta hopi parecido na e sintomanan di dengue y pa e motibo ey ta hopi importante pa e persona bay dokter of un centro di cuidio medico pa diagnostica ki enfermedad e tin.

E especialista a subraya cu Oropouche tin un evolucion basta satisfactorio, no obstante, na paisnan manera Brasil casonan a presenta complicacionnan di meningitis y encefalitis cu ta empeora e situacion medico di e pashent.

“Nos na Cuba no tin casonan grave, critico y mucho menos personanan cu a fayece pa motibo di e enfermedad aki,” el a indica.


“Pa e motibo ey mi ta insisti pa nan busca atencion medico, pasobra na Cuba ta circulando e enfermedad di dengue na 12 provincia y e dengue si por complica. Y por ta e prome biaha loke e persona a haya tabata Oropouche, pero di dos biaha tal bes loke el a haya tabata dengue,” el a detaya.

E experto a señala cu ya caba tin reporte di casonan di transmision vertical di e enfermedad, di mama pa yiu, algo cu no a sucede na Cuba te cu e momentonan aki.

Por ultimo, Duran a indica cu e enfermedad ta wordo transmiti pa e sangura yama Culi-coide y e sangura Culex. E ultimo aki ta presente na henter e pais y por cria no solamente den awa limpi, pero si no tambe den awanan contaminada y sushi, y den cualkier plas cu acumulacion di awa.

Siman pasa, mirando e aumento considerable di casonan di Oropouche, Duran a reconoce cu e situacion epidemiologico na e pais ta compleho debi na e co-circulacion di diferente virus, incluyendo influenza, dengue y Oropouche.

E especialista a agrega cu nan ta mantene un vigilancia continuo riba e virusnan aki, y nan a intensifica e medidanan di prevencion y control pa mitiga e propagacion y trata



eficazmente e personanan afecta.

Sinembargo, recientemente el a reconoce cu e pais no tin e recursonan pa combati e sangura a traves di campananan di fumigacion, loke ta complica e situacion epidemiologico mas ainda na Cuba.

Jamaica: Cifranan di ministerio di Educacion ta muestra cu exodo di docentenan ta bahando

(JamaicaObserver) - E exodo di docentenan for di Jamaica ta parce cu ta bayendo mas slow, cu e Ministerio di Educacion y Hubentud informando diaranson cu e total di docentenan publico cu a renuncia e aña aki ta un poco riba 100.

Minister Fayval Williams, ken a revela e cifra na un rueda di prensa despues di reunion di gabinete, a reporta aña pasa cu un total di 854 docente a renuncia entre januari y september 2023, locual ta nifica un reduccion di 44% compara cu e periodo similar den 2022.

Un total di 1.538 educador a renuncia entre januari y september den 2022.

“Basa riba e cifranan cu nos a colecta pa e aña aki, y nos ta wak entre september te augustus di 2023/24 versus 2022/23, e informacion mas actual cu nos tin ta cu un total di 102 docente menos a renuncia e aña aki compara



cu aña pasa,” Williams a bisa diaranson den respuesta na preguntanan di e media.

Sinembargo, e presidente nobo instala di Jamaica Teachers’ Association (JTA), Dr. Mark Smith, den su discurso presidencial durante e ceremonia di nombramento na e di 60 edicion di e convencion anual di JTA na Trelawny siman pasa, a afirma cu renuncia pa motibo di migracion ta keda un desafio pa e sistema di educacion.

“Nos scolnan ta lucha pa mantene e paso cu e migracion di docentenan di scol secundario y tambe den scolnan primario unda nos ta perde docentenan di ciencia, tecnologia y matematica. Nos realidad presente ta uno bastante precario. A pesar di e capacidad local cu nos tin den nos institucionnan di forma-

cion di docente, nos ta wak cifranan cu ta baha. E profesion simplemente no ta atractivo,” el a bisa.

“Nos tin cu cambia e dinamica ey,” Smith a agrega.

Mientras tanto, e minister di educacion a reacciona riba e especulacion cu mas docente stranhero ta yenando e vacaturanan local, insistiendo cu no tin ningun contrata-

cion adicional di educadornan di otro paisnan fuera di e cuadro normal di docentenan Cubano e aña aki.

El a bisa cu a pesar cu tin discusionnan alrededor di reclutacion stranhero, nada no a wordo concretisa

“Te awe, nos tin solamente nos cuadro normal di docentenan Cubano y otro cu tabata den e sistema anterior. No tabatin ningun reclutacion nobo di docentenan for di otro paisnan. Tin dialogo, tin discusionnan, pero nos sistema ta continua avor, manera nos ta papia awe cu e mesun paisnan cu nos tabatin semper,” e a bisa.

“Nos tin discusionnan explorativo cu por lo menos dos pais cu a indica nan interes pa tene nan docentenan den nos medio y esey ta pa motibo cu nan tin demasiado docente den nan paisnan, pero no tin nada, ningun MoU firma of algo asina,” el a agrega, indicando cu e paisnan interesa ta Ghana y Filipinas.



Un YouTuber Spaño ta condena cu cadena perpetua pa asesinato na Thailand

(AP) - Corte na Thailand riba diahuebs a declara Daniel Sancho Bronchalom un miembro di un famia di actor famoso, culpabel di asesinato premedita y a condena su persona na cadena perpetua den un caso cu a mira e victima su partinan di curpa corta.

Koh Samui Provincial Court a dicta e sentencia inicial di morto pa Sancho sinembargo a cambia esaki pa cadena perpetua a causa di su cooperacion durante e huicio, segun Police Col. Paisan Sangthep, comandante diputado di Surat Thani Provincial Police, ken a atende e audeincia.

Sancho, un chef di 30 aña cu un canal riba YouTube, a ser acusa cu asesinato di Edwin Arrieta Arteaga, un ciruhano plastico di Colombia, ora cu ambos tabata di vakantie na e isla Thailandes Koh Pha-Ngam den augustus di aña pasa.

E isla ta famoso pa su fiestan an di "luna yen" cu ta tuma luga mensualmente y cu ta atrae turistanan for di rond di mundo pa e fiestan cu ta dura henter anochi.

E homber condena ta e yiu homber di Rodolfo Sancho Aguirre, un actor Spaño conoci y Silvia Bronchalo, ken



tambe a traha den actuacion. Ambos mayor tin 49 aña actualmente y tabata presente na e sesion di corte diahuebs.

Corte tambe a duna ordo pa Sancho paga mas di 125,000 dollr den compensacion na e victima su famia. E abogadoonan cu ta representa e famia na e huicio a pidi inicialmente pa 882,000 dollar, Spaña su agencia di noticia EFE a reporta.

EFE tambe a cita Sancho su tata Rodolfo bisando media despues di e veredicto cu e tin e intencion di "semper lucha, pa keda lucha."

Na su huicio riba e isla Samui, Daniel Sancho a bisa cu su persona y Arrieta tabata den un discusion pa motibo cu Arrieta a purba di agredi su persona sexualmente. El a bisa cu Arrieta a cay durante

e pelea y a dal su cabes den baño, perdiendo consenshi y muriendo.

El a declara su mes inocente na e acusacion di asesinato premedita.

Sancho a admiti cu el a corta e brasanan y pianan di e victima su curpa y a deshaci di e partinan riba tera y den lama. Pa e acusacion di sconde of dañu un curpa, el a ricibi un sentencia den prizon di 4 luna, reduci na 2 luna pa motibo cu el a admiti e hecho, Paisan a bisa.

Tambe el a declara su mes inocente pa e acusacion di a destrui otro persona su documentonan, e victima su paspoort, pa cual el a ricibi un termino di 2 aña den prizon.

E elementonan di e caso, morto violento riba un isla,



e conexionnan di celebridad y e detayenan, a atrae atencion y cobertura amplio na Spaña. HBO a produci un documentario Spaño tocante e eventonan cu a sosode.

E caso a bin dilanti ora cu empleadonan cu ta piki sushi a haya loke Bangkok Post a describi como un pelvis corta y intestinonan di mas o menos 5 kilogram den un saco di fertilisador na un dump. Poco despues di esaki, Sancho a reporta na polis cu Arrieta ta desapareci y polis despues a reuni evidencia cu a conecta e dos hombernan, causando e detencion y interrogacion di Sancho.

Polis a establece un posibel storia, bisando na prensa cu Sancho a confesa na e asesinato bisando cu el a plania esaki pa motibo cu Arrieta a menasa di dañu su reputacion y su famia pa medio di revelan supuestu relacion sexual.

Sancho, via su tata y su abogadoonan, a bisa cu esaki ta un version modifica di loke el a conta polis y e nenga cu e tabatin un relacion sexua cu Arrieta.

Polis a obtene video di camara di seguridad unda Sancho supuestamente a cumpra un cuchiu, handschoen di rubber y productonan di limpieza na un tienda cercano prome cu Arrieta su morto, cual fiscalnan ta bisa ta empeora y fortalece e acusacion di asesinato premedita.

Den su declaracion di clausura, Sancho a bisa corte cu e ta lamenta su accionnan, e corant Spaño El Pais a reporta. "Mi t pidi despenza cu un bida a ser perdi y cu mayoran a perde nan yiu," Sancho a bisa. "Mi ta pidi despenza cu e famia aki no por a der'e apropiadamente. Mi ta pidi despenza pa loke mi a haci despues di su morto."

Bao cierto condicion, Sancho por aplica pa ser repatria pa cumpli e resto di su sentencia na cas despues di varios aña di encarcelacion na Thailand, segun un tratado entre e pais y Spaña.

E cantidad chikito di ciudadano Spaño den prizon di Thailand ta inclui otro homber condena di asesinato premedita y di corta e curpa di su victima.

Artur Segarra Princep a ser condena den aña 2017 di compatriota David Bernat. Polis a sospecha cu Segarra a horta e victima, ken aparentemente e tabata conoce. E curpa a ser hinca den un freezer na Segarra su apartamento den Bangkok te ora cu el a benta e partinan di e curpa den Thailand su riu Chao Phraya.

Su sentencia di morto den 2017 a ser cambia pa cadena perpetua den 2020 pa Thailand su Rey Maha Vajiralongkorn.



2,000,000 SUMMER POINT GIVEAWAY

JULY 1 TO AUGUST 31

Alhambra
CASINO AND SHOPS

Win your share of \$20,000 in points!

20 WINNERS EACH DAY

You can win up to \$100 in Points!

Swipe and play free once daily. Earn 100 Slot Points or 8 Table Credits and play again — up to 5X each day

See Players' Club for full rules. Points can be converted to Free Slot Play.

Open daily 10am to 3am | J.E. Irausquin Blvd #47 | 583.5000 | casinoalhambra.com

E complot pa ataca e shownan di Taylor Swift na Vienna tabata diseña pa mata miles, segun oficial di CIA ta bisa

(AP)—E sospechosonan den e complot fracasa pa ataca conciertonan di Taylor Swift na Vienna na comienso di luna a busca pa mata “dies miles” di fanaticonan prome cu e CIA a descubri inteligencia cu a stroba e planeamento y a resulta den detencionnan, e director suplente di e agencia a bisa.

CIA a notifica autoridadnan Austriano di e skema, cual supuestamente a inclui conexion cu e grupo di Estado Islamico. E inteligencia y detencionnan ultimamente a resulta den e cancelacion di tres show di e Eras Tour, devastando fanaticonan cu a biaha pa mira Swift den concierto.



Director Suplente di CIA David Cohen a adresa e complot fracasa durante e Intelligence and National Security Summit, cual a tuma luga e siman aki na Maryland. “Nan tabata planea pa mata un cantidad enorme—dies miles di hende na e concierto, incluyendo mi ta sigur hopi Mericanonan—y tabata basta avansa den esaki,” Cohen a bisa diaranson.

Oficialnan Austriano a bisa cu e sospechoso principal, un hoben Austriano di 19 aña, tabata inspira pa e grupo di Estado Islamico. Supuestamente el a planea e atake pafo di e stadion, unda mas cu 30,000 fanaticonan lo a reuni, cu cuchiu of explosivonan traha na cas. Un otro 65,000 fanaticonan lo a probablemente ta den e

stadion. Investigadornan a descubri substancianan kimico y aparatonan tecnico durante un redada di e hogar di e sospechoso.

E minister di Asunto Interior di Austria, Gerhard Karner, a bisa anteriormente cu ayudo for di otro agencianan di inteligencia tabata necesario pasobra investigadornan Austriano, no manera servicionan exterior, no por monitorea mensahenan di texto legalmente.

E abogado di e hoben sospechoso a bisa cu e acusacionnan tabata “exagera” y a argumenta cu a autoridadnan Austriano tabata “presentando un version exagera” di e incidente pa asina haya podernan di monitoreo nobo.

Grupo di pop ABBA ta puntra Donald Trump pa stop di usa nan canticanan, pero e ekipo di Trump ta bisa nan tin aprobacion

(AP)—E grupo di pop famoso ABBA a puntra Donald Trump pa stop di usa nan musica na rallynan di campaña, pero e campaña di e nominado presidencial Republicano ta bisa cu e tin permiso.

“Recientemente ABBA a descubri e uso no autorisa di nan musica y videonan na un evento di Trump via videonan cu a aparece online,” segun un declaracion pa AP for di e banda, di ken su hits ta inclui “Waterloo,” “The Winner Takes It All” y “Money, Money, Money.”

“Como resultado, ABBA y su representantenan a pidi pa kita y bora contenido asina. No a ricibi ningun peticion pa us’e; p’esey no tin permiso ni licen-

cia pa aproba.”

Un vocero pa e campaña di Trump a bisa cu el a obtene un licencia. “E campaña tabatin un licencia pa toca musica di ABBA via nos acuerdo cu BMI y ASCAP,” e vocero a conta AP.

ABBA ta uni cu un lista largo di artistanan cu a rechasa permiso pa Trump usa nan canticanan. Prome cu e eleccion di 2020, esey a inclui Bruce Springsteen, Rihanna, Phil Collins, Pharrell, John Fogerty, Neil Young, Eddy Grant, Panic! at the Disco, R.E.M. y Guns N’ Roses.

Pa e ciclo aki, Celine Dion a puntra pa e candidato stop di usa “My Heart Will Go On” y Beyonce a blokea Trump pa usa su cantica “Freedom” den

un video di campaña. Na 2016, Adele a puntra Trump pa stop di toca su canticanan na rallynan politico.

Campañanan no mester di un permiso expresivo di un artista pa toca nan canticanan na rallynan mientras cu e organizacion politico of e localidad a haya loke ta conoci como un “blanket license” for di e organisacionnan di derecho di arte ASCAP y BMI.

Corant diario Sueco, Svenska Dagbladet, a bisa cu su reportero a asisti un rally di Trump na juli na Minnesota unda “The Winner Takes it All” tabata tocando. Universal Music na Suecia a bisa cu videonan a aparece di musica di ABBA tocante na al menos un evento di Trump.



Fanaticonan di futbol Polaco ta enfrenta polis na Amsterdam prome cu partido contra Ajax

(NLTimes) – Tabatin un confrontacion entre polis y alrededor di 200 sostenedor di club Polaco di futbol, Jagiellonia Bialystok ayera tardi na e Dam na Amsterdam. E sostenedornan tabata bisti balaclava, a usa pepper spray contra polis y a tira stoel.

A restaura tranquilidad despues cu a involucra riot polis, segun un vocero di polis.

E sostenedornan a reuni na

e Dam bistiendo e colornan cora y geel di e club, pa bay na Johan Crujff ArenA hunto. Nan tabata compaña pa un team special di polis. Un pelea a tuma lugar dentro di e grupo, cu a pone cu e sostenedornan a bolter contra polis.

Ainda no ta conoci si un persona a keda herida durante e confrontacion. No a haci ningun aresto.


“Definitivamente nos no ta

bay tolera esaki,” segun un vocero di polis. “Si nos logra gara esnan cu a haci esaki, nos no ta bay duda den arestanan.”

A mira e grupo grandi bayendo den direccion di Damstraat, unda e treinnan ta bay pa e stadion.

Ajax a enfrenta e club pa 8pm den e playoff den UEFA Europa League, eventualmente ganando e wegá 3-0.

Potret: Ajax.nl.



Minister di Deporte Sr. Endy Croes a ricibi e campeonnan di Copa ABC SV Britannia na cas di gobernacion



Despues cu e pumanan a titula campeon di Aruba, SV Britannia a haya e derecho di participa den Copa ABC na Bonaire.

E Copa ABC (Anteriormente Copa Antiano) a conta cu participacion di SV Britannia, campeon di Aruba, Jong Colombia di Corsou, Real Rincon y Vespo di Bonaire. Despues cu SV Britannia a gana Vespo a pasa pa e final, y den e wegá final a gana 2-1

di Jong Colombia cu golnan anota pa Pieter Susebeek y Fernando de Sousa.

Unabes na Aruba, Minister di Deporte Sr. Endy a invita e team campeon hunto cu directiva na su oficina. E minister a felicita e team campeon hunto cu su presidente Sr. Cedric Werleman y su directiva y a entrega cada hungador un medaya den forma di aprecio pa e logro importante aki.

Problema cu calidad di awa di e Seine ta reaparece pa para-triatleta na Weganan Paralimpico

(AP) — Preocupacion tocante calidad di awa den Riu Siene a bin dilanti un biaha mas na e Weganan Paralimpico ayera, ora organisadornan a cambia e schedule pa caredanan di triatlon.

Tur 11 evento pa medaya ta bay tuma lugar riba un solo dia, 1 di september, na lugar di dos dia manera tabata planea originalmente, segun organisadornan di Paris 2024 a bisa den un declaracion.

“E decision pa tene tur evento pa medaya riba un solo dia a ser tuma den bista di e pronostico di tempo y pa provee atleta y coachnan cu mas certidumbre cu ta posible. E ruta di landamento ta keda sin cambio,” e organisadornan a bisa.

Calidad di awa den Riu Seine tambe tabata un problema

mayor na Olimpiada. Nivel di bacteria den e riu pa largo contamina na Paris ta varia constantemente dependiendo di e tempo. Awasero pisa ta causa awa di riool pa core den e riu, causando cu nivel di bacteria ta eleva.

E organisadornan a bisa cu ta bay continua monitoria e calidad y fluho di awa di e riu cada dia, y cu decisionnan riba landamento preparatorio pa triatletanan pa train durante proximo dianan, y riba e mainta di dia 1 di september, ta bay ser tuma prome cu cada evento.

Organisadornan a bisa cu por atrasa e eventonan na dia 2 y 3 di september “si ta necesario.”

E landamentonan di familiarisacion ayera a tuma lugar segun plan riba mainta.



Formato nobo di Champions League tin meta pa duna e clubnan loke nan tabata kier di UEFA

(AP) — Champions League ta haya un look fresco cu mas team hungando pa mas premio di placa for di mas wega contra mas oponente. E draw a tuma lugar ayera.

UEFA pa largo a ricibi presion di oficialnan di club pa duna mas den e evento marquee den futbol di club y a scoge un fase di liga 'single-standings' pa reemplaza e etapa di grupo tradicional.

E prome formato nobo di Champions League desde 2003 ta priminti casi tur loke e clubnan mas rico y influyente di Europa tabata kier. Tin cuatro mas lugar den un lineup di 36 team; al menos ocho wega cada un na lugar di seis; weganan di Champions League programa na januari pa prome biaha; un aumento di placa pa premio di al menos 25% na un minimo di 2.5 biyon euro.

E look nobo di e competencia ta bay tin un serie di re-match di finalnan recien. Entre oponentenan di campeón defensor, Real Madrid tin Liverpool y Borussia Dortmund. E Spañonan a derota Dortmund den final di ultimo temporada y Liverpool pa e titulon na 2022 y 2018. Madrid ta bay ricibi Dortmund y biaha pa Liverpool, maske fecha pa e partidonan no ta confirma te diasabra.

Manchester City tambe ta haya un reunion di final di Champions League – ricibiendo Inter Milan cu a derota pa gana su titulo Europeo na 2023. Bayern Munich ta bay ricibi Paris Saint-Germain den un re-match di e final di 2020 cu e gigante Aleman a gana 1-0.

Ya no tin e tradicional formato di etapa di grupo cu Champions League a usa pa 21 temporada. Awo ta bin e liga single-standings – 36 team cada un hungando ocho wega contra ocho oponente diferente te cu



januari. Teamnan ta haya un schedule balansa enfrentando dos oponente di cada un di cuatro seeding pot.

E top ocho den clasificacion ta bay directo na e ronda di 16 na maart. Nan ta bay ta seeded den un bracket di torneo estilo tennis, sin draw separa pa cada ronda te e final. E final 2025 ta na stadion di Bayern Munich.

Teamnan rango 9 te 24 ta bay den ronda di playoff knockout na februari. E 12 team mas abao ta keda elimina.

Den e ronda di playoff, teamnan rango 9 pa 16 ta seeded den e draw pa hunga di dos leg na cas contra e teamnan seeded 17 te 24.

Pakico a haci cambio na un competencia asina exitoso?
E contesta simpel ta cu clubnan tabata kier mas placa.

Champions League ta showcase e wega di calidad mas halto den futbol mundial. Esaki a permiti UEFA dirigi biyones di dollar den placa di premio genera di transmisionnan global y acuerdonan di sponsor na clubnan cu ta paga e suman di transferencia y salarionan mas halto. E

clubnan aki kier hunga mas di loke nan ta considera weganan prestigioso contra un variedad mas grandi di oponentenan di calidad halto.

Eta di grupo, e clubnan a bisa, a bira demasiado repetitivo cu apenas tres oponente y tabata falta drama. Mas wega contra oponentenan mas fuerte lo ta mas valioso pa canalnan transmiti, pa publico y fanaticonan nobo rond mundo.

Loke nan tabatin riba UEFA tabata potencialmente lansa nan propio competencia separa. E lidernan e tempo ey di e Asociacion Europeo di Club influyente na comienso di 2021 tabata negociando un reforma di Champions League cu UEFA y tambe preparando nan propio Super League.

Diesdos club Spaño, Italiano y Ingles a lansa e Super League

na april 2021, y a fracasa dentro di 48 ora memey di critica na Inglatera di fanaticonan y menasanan di legislacion di gobierno.

Asina mes, e formato di Champions League forma mas tanto pa e clubnan rebelde di Super League a keda aproba ampliamente un año despues pa UEFA y ta bay tin su inicio otro luna.

Reaccion

“E necesidad pa hunga partidonan regular na Europa ta un necesidad pa e clubnan, no ta un necesidad pa UEFA,” segun Giorgio Marchetti, secretario general interino di UEFA.

“Mientras tanto, ta bay pidi fanaticonan pa gasta mas tempo y placa siguiendo nan team – tempo y placa cu hopi simplemente no tin,” segun Sostenedornan di Futbol Europa, e grupo di fanatico liaison reconoci pa UEFA.

“Pa nos, hunga e mayor cantidad posible di wega Europeo ta un solucion pa tin un bon ambiente pa nos fanaticonan, nos hungadornan, y pa financia nos club,” segun Serhii Palkin, CEO di campeonnan Ucrani-ano, Shakhtar Donetsk.





UTILITIES ARUBA^{NV}

AANKONDIGING

Algemene Vergadering van Aandeelhouders N.V. Elmar

Aandeelhouders van N.V. Elmar;
Raad van Commissarissen;
Directie N.V. Elmar;
Accountants EY.

29 augustus 2024

UTI-24-052

Geachte heren,

Met inachtneming van artikel 21 roep ik hierbij een Algemene Vergadering van Aandeelhouders bijeen ten kantore van Utilities Aruba NV, te Italiëstraat 46, op woensdag 11 september 2024 om 10:00 uur.

De agenda van deze vergadering luidt als volgt;

1. Opening
2. Jaarrekening 2023
3. Dividend
4. Rondvraag
5. Sluiting

Nadere informatie over de agenda ligt ter inzage ten kantore van Utilities Aruba N.V.

Hoogachtend,


Dr. Anthony Rojer
Directeur

Italiëstraat 46, Oranjestad, Aruba. Tel: (+297) -528-8277; Telefax: (+297) -528-8279

Tip tecnologico

Con pa logra un bida largo pa bo dispositivonan

(AP) - Si bo kier pa bo iPhone nobo dura lo mas cu por, bo tin cu cuida di dje.

Mayoria persona awo ta purbando di keda cu nan smartphone lo mas cu nan por na luga di cambia esaki regularmente y tin hopi motibo dicon.

Den comienso di e era di smartphone, posiblemente bo mester a cambi'e cada par di aña pa bo keda actualisa cu tur e funcionnan nobo of pa motibo cu e contract cu bo tin ta subsidia e compra di e model mas nobo. Sinembargo esaki no ta e caso mas mirando cu tecnologia di smartphone a madura y innovacionnan a bira cada biaha menos grandi y e prijsnan tambe a cambia.

Tambe tin un empuhe ambiental pa mantene smartphone bieu fuera di dump pa motibo cu sushi electronico ta birando un problema di sostenibilidad grandi. Smartphone awendia tambe ta hopi mas duradero y tin miho sobrevivencia pa caidan.

"Siempre y cuando cu cuida di bo telefon y bo mantene esaki actualisa, bo ta bay tin por lo menos 4 pa 5 aña di bon uso cune," Chris Hauk di Pixel Privacy a comenta. Algun di e doñonan di smartphone ta gaba online cu nan tin celular cu a dura nan mas di 7 aña.

Y si bo ta pagando mas di 1,000 dollar pa bo smartphone, probablemente bo kier pa e dura lo mas cu bo por. Aki AP a comparti algun tip pa extende e bida di bo smartphone sea di Apple of Android.



Cuido di bateria

Un di e factornan mas grandi den bo celular su bida ta e bateria. Un bateria recargabel su edad kimico no ta relaciona na ki dia el a ser fabrica. E ta basa riba un mezcla compleho di factor incluyendo "temperatura, historia y patron di carga," segun Apple.

"Mirando cu e baterianan di lithium-ion ta bira bieu kimicamente, e cantidad di carga cu nan por wanta ta keda bira menos, resultando den un bateria reduci y funcion reduci tambe," e creador di iPhone ta bisa.

E companai ta bisa cu su tecnologia pa optimalisa carga ta diseña pa mehora e bida di e bateria, y e ta safe pa e usuarionan di iPhone pone nan smartphone charge henter anochi.

Samsung, di otro banda, ta bisa cu e baterianan di lithium-ion ta funciona

miho ora cu ta mantene esaki riba e 50%. E ta conseha contra laga e bateria baha completamente.

"Laga e bateria baha completamente biaha tras biaha ta posiblemente haci su bida menos largo y ta disminui su capacidad general," e compania ta bisa den un guia online. "Si esaki sosode, bo lo mester charge e bateria cu mas frecuencia y posiblemente e lo cuminsa dura algun ora prome cu e mester charge atrobe, por ehempel."

Evita temperaturanan extremo

Apple ta bisa cu baterianan ta keinta mientras nan ta charge, cual por baha nan bida. E ta adverti contra usa bo telefon of charge esaki den temperaturanan hopi halto, riba 35 grado Celsius, "cual por permanentemente daña e bida di e bateria."

Samsung tambe ta bisa cu calor extremo of frio por causa daño na e bateria y ta adverti hende pa no, por ehempel, laga nan smartphone den e auto su glove box ora cu ta hopi calor ni hopi frio. Y no pone bo smartphone den freezer tampoco, esaki ta un mito cu ta bisa cu e por prolonga e bida di e bateria. "Esaki no ta corecto y por causa daño na bo bateria," segun Samsung.

Google, cual ta crea e sistema di Android y celularnan Pixel, ta bisa cu baterianan cayente ta gasta mas lihe te hasta ora cu nan no ta den uso y esaki por causa daño na e bateria.

Ahusta e opcionnan di energia

Ahusta bo dispositivo su opcionnan of funcionnan cu ta usa menos energia, cual ta extende e bateria su bida diario y e tempo entre cada ciclo di charging.

Bo por baha tambe e pantaya su briyo, cende loke awo ta yama "dark theme" y reduci e tempo cu e smartphone ta warda pa e screen paga. Cende tambe e funcion cu automaticamente ta ahusta e briyo di e pantaya. Tambe revisa den bo settings e uso di e bateria pa mira si tin algun aplicacion cu bo por paga of desinstala cu ta usa hopi

di bo energia.

Si bo bateria ta bao di 10%, e usuarionan di iPhone por cende 'low power mode' pa extende e bida di e bateria prome cu mester charge esaki. Samsung su Android tin un modo similar yama 'power saving mode.' Bo por laga esaki cendi na tur momento pero e lo afecta bo celular su funcion.

Samsung ta bisa tambe cu e usuarionan por paga wifi y bluetooth si nan no ta ser usa, aunke Apple ta conseha laga nan cendi pa motibo cu nan ta usa energia minimo ora nan no ta connecta.

Usa proteccion

Smartphone ta nechi pero e superficie ta nifica cu facilmente e por cay for di bo man. E ta algo cu no mester bisa of conseha, pero un recordatorio nunca ta cay malo; usa un caft di proteccion pa yuda alivia e golpi si esaki cay accidentalmente.

No lubida un protector pa bo pantaya tambe. Versionnan di plastic ta e version menos costoso pero por kita facilmente, segun e website iFixit, cual ta recomenda esnan traha cu TPU of 'tempered glass', cual ta ofrece un miho proteccion contra rasca y caida.

Mantene bo dispositivo limpi

Mantene bo dispositivo den bo saco of tas ta nifica cu e entradan pa colecta tela y otro tipo di sushi cu bo mester limpia. "Coy un toothpick y purba saca cuakier sushi," Hauk a bisa. "Tambe e speaker y mic riba e smartphone, nan tambe ta bira sushi," pues usa un skeiro di djente pa limpia nan/

Actualisa bo dispositivo

Software ta otro factor importante den e bida di un smartphone of dispositivo. Expertonan ta conseha mantene e sistema di operacion y aplicacionnan actualisa pa asina nan tin e privacidad mas recien, seguridad y funcionnan di maneho di bateria.


Esaki lo haci mas facil pa haci mientras mas bieu bo smartphone ta bira pa motibo cu algun fabricante ta extendiendo el imite di tempo pa provee e actualisacionnan aki.

Google a priminti di duna e smartphone Pixel 8 y mas nobo 7 aña di actualisacion di Andrid y seguridad, compara cu 4 pa 5 aña den modelnan anterior. Samsung tambe a extende su actualisacionnan di sistema na 7 aña cuminsando cu e lansamento di S24 e aña aki.

Apple no ta bira con largo e lo sostiene actualisacionnan di iOS pa dispositivonan, aunke e dispositivonan bieu manera iPhone 6s lansa den 2014 y iPhone 8 te ainda tabata ricibiendo actualisacionnan di seguridad e aña aki.



Polis herida, sospechoso deteni y arma di candela haya



Diaranson den oranan di mainta tabata tin un persecucion tras di un sospechoso di joyriding. E persecucion no a dura largo y polis a logra pasa e sospechoso y a bay over na detencion.

Durante e detencion e sospechoso a resiti fuertemente contra su detencion cu a resulta cu un agente Policial di Distrito di Noord a fractura su pia severamente. Mientras tanto cu tur e luchamento e agentenan aki a logra detene e persona mientras refuerzo policial tabata yega di tur skina pa reforsa nan colega. Den fraccion

di seconde hopi unidad ta yega na e sitio. Na e sitio ta bin haya un arma di candela y bala cu a wordo tuma den beslag pa mas investigacion. Polis forensico, recherche di Noord, cu refuerzo di Polis Noord, Santa Cruz, Polisnan di bario, K-9 Unit y Motor Unit, Staff di Distrito di Noord Sr. Henriquez, comisario Candelaria y altocomisario di Polis drs. Ramon Arnhem a yega na e sitio pa duna sosten. E agente policial a wordo transporta pa ambulans pa mas tratamiento avansa. E agente policial di Noord ta den bon condicion cu fractura na pia.



Mama a lock baby di 1 aña den auto, bombero y polis a bin na rescate!



Diahuebs mainta a drenta informe di cu un dama inconscientemente a lock baby di 1 aña den auto na Socotorolaan, mesora a dirigi tanto polis como bombero pa yuda saca e baby mas pronto posibel for di e auto

motor paga.

E dama no a duda y a duna ordo pa kibra e bentana pa rescata e baby. Unabes cu bomberonan a kibra e bentana nan a saca e baby y a pas'e dibiaha den brasa di su mama.

Na E.P.B. Hato algun alumno a bebe un substancia cu nan mes a traha y a bira malo!



Diaranson merdia a drenta informe di cu algun alumno di E.P. B. Hato a bira malo despues di a ingeri bebida misterioso cu nan mes a traha, mesora a dirigi tanto polis como ambulans na e sitio.

Na yegada di e patruya a bin compronde cu ya caba un mayor a

hiba su yiu di 16 aña pa hospital, pero a keda un mucha muhe di 14 aña y un otro mucha homber di 15 aña cual nan tambe a ingeri e mescla ey den algun boter cual polis a confisca pa mas investigacion. Na yegada di e ambulans nan a atende e otro 2 victimanan y despues den 2 ambulans pa hospital.

Polis a bay pa un homber agresivo cu a dal muhe un mokete den cara



Diaranson anochi a drenta informe di cu tin un homber agresivo cu a dal e muhe un mokete den cara na Kamerlingh Onnesstraat, mesora a dirigi 2 patruya na e sitio.

Na yegada di e patruya a compronde cu aki ta trata di un problema di pareha unda e homber ta hopi agresivo y a dal e muhe un mokete den cara. E muhe a saca tur e pertenencianan di e homber pone den un maleta porta afo. Na final e homber a bay cu su maleta pa keda otro caminda.

Polis a bay Tanki Leendert pa un accidente hit & run

Diaranson anochi a drenta informe di un accidente hit & run na Tanki Leendert, mesora a dirigi un patruya na e sitio.

Na yegada di e patruya a bin compronde cu a kibra trata di un auto cu a

pasa dal otro auto y a sigui bay manera nada a pasa. Pero a logra wak e marca modelo y hasta number y esaki a ser duna na polis pa na su turno pas'e pa polis di trafico pa busca e chauffeur y pone para responsable. Afortunadamente ningun hende a resulta herida.



Accidente cu hende herida pa motibo di auto staciona cu ta blokea bista na crusada na Brusca

Diaranson mainta a drenta informe di un accidente cu hende herida na Brusca, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu e chauffeur di un Kia Sportage no tabata tin bista na trafico di preferencia y a sali y un Nissan March a bin dal den dje. E impacto tabata fuerte y ambos chauffeur a resulta herida. Despues di basta rato ta warda a resulta cu tabata tin



un confusion den comunicacion pasobra e accidente tabata na Brusca, esta patras di E.P.B. Hato pero na e mesun momento tabata tin un otro

accidente dilanti di E.P.B. y e ambulans a yega eyan pensando cu esey ta e accidente pero nan a bisa no tin hende herida. Despues di un rato ta



warda a haya sa di e confusion eyan y a manda e ambulans na e accidente mes unda cu tabata tin hende herida. Polis

a bay hala atencion di e bisiña cu tabata tin su auto mal para cual ta esun cu realmente ta e causante di e accidente.

Chauffeur no a regula su velocidad ni a mantene distancia y a dal tras di auto na E.J. "Watty" Vos blvd

Diaranson mainta a drenta informe di un accidente cu hende herida yegando e rotonde Ponton bayendo pabao na e rotonde di Acero, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu un chauffeur no a regula su velocidad ni a mantene distancia a bay dal tras di un Suzuki



Swift. Debi na e impacto e chauffeur di e Swift a resulta

herida. Na yegada di e ambulans nan a atende e victima.

Polis a bay Tanki Leendert pa un auto sospechoso sin number laga atras cu yabi aden

Diaranson mainta a drenta informe di cu tin un auto laga atras sin plachi number cu yabi aden, mesora a dirigi un patruya na e sitio.

Na yegada di e patruya a bin encontra cu un Chevrolet Spark en berdad sin number y cu e yabi pega na e switch pero no a mira cu e auto lo ta procedente di un of otro caso di ladroncia. Pero a tuma nota si di esaki cu lo por ta un



auto prepara pa huida di un of otro crimen. Polis a tuma

nota di esaki pa cualkier cos.

Pisca y otro carninan laga den freezer cu a dañá a laga holor desagradable den Caya Franse Bloem



Diaranson mainta a drenta informe di cu un pick-up cu cuminda di lama laga den e baki na Caya Franse Bloem ta mandando un holor insosportable den dicho caya, mesora a dirigi un patruya na e sitio.

Na yegada di e patruya a bin compronde cu algun dia pasa tur e carninan y

cumindanan di lama laga den un freezer cu a dañá lo ta mandando un holor stinki y insosportable den e caya, mesora a dirigi un patruya na e sitio. Polis a compronde e situacion pero a avisa e doño pa haci su maximo esfuerso pa e holor desagradable stop cu detergente apropiada y recomenda.

Problemanan di famia ta sigui na Rooi Bosal

Dialuna anochi a drenta informe cu tin un pelea entre famia na un adres na Rooi Bosal, mesora a dirigi un patruya na e sitio.

Na yegada di e patruya a bin compronde cu e ruman problematico a yega bao influencia di substancia el a busca problema y bringa cu e otro ruman

pero e a bay for di e sitio caba. Pero lo por spera mas problema. Pa evita mas problema a dicidi di bay keda na otro caminda.



Organo Ehecutivo AZV ta informa:

Dokter Charl J. Kelly y dokter Mikeeo Martis, dos dokter di cas nobo na Noord

Recientemente Organo Ehecutivo AZV a firma contract cu dos dokter di cas nobo. Ta trata aki di dokter di cas Charl J. Kelly y dokter di cas Mikeeo Martis. Ambos ta ubica na Noord 82A pero lo tene nan practica separa for di otro, pues cada un lo tin nan propio grupo di pashent.

Ta despues di basta tempo cu Organo Ehecutivo AZV por brinda su aseguradonan e oportunidad pa haci cambio di dokter di cas. Pues si abo ta den busca di un dokter di cas nobo, awor tin e oportunidad

pa haci cambio di dokter di cas.

Dokter Charl J. Kelly

Dokter Kelly ta Arubiano, a bay Colegio Conrado Coronel, Colegio Arubano, Universidad Ciencias Medicas (Costa Rica) y e trayecto di specialisacion pa dokter di cas via e colaboracion ImSan y Vrije Universiteit Amsterdam. Cu su amplio experiencia di trabou na Medwork N.V. Aruba y diferente stage na dokter di cas D. de Cuba, Respaldo, Stichting Algemeen Bejaardenzorg Aruba y dokter di cas I. Algera; dokter Kelly ta cla pa yuda su hen-

denan.

Tur persona cu pa cualkier motibo of otro tin deseo di haci un cambio di dokter di cas, por scoge pa acerca dokter di cas Kelly na su oficina pa yena (y firma) e formulario di cambio di dokter di cas. Dokter Kelly por comunica den e idiomaan Papiamentu, Hulandes, Spaño y Ingles. Number di telefon di dokter Kelly ta 280-7523.

Dokter Mikeeo Martis

Entrante 1 di September 2024 un otro dokter di cas tambe lo cuminsa na e localidad Noord 82A, pues mesun



edificio cu dokter di cas Kelly, sinembargo cu su mesun oficina (y registro di pashent). Ta trata aki di dokter di cas Mikeeo Martis. Dokter Martis ta Arubiano y despues di a haal su VWO diploma na Colegio Arubano a dicidi di continua su estudio di medicina na Erasmus Universiteit (Rotterdam, Hulanda). Su specialisacion pa dokter di cas el a haci na ErasmusMC (Hulanda).


Despues di su estudio dokter Martis a logra di completa su ECFMG (Educational Commission For Foreign Medical Graduates) diploma pa asina por practica medicina na Merca tambe como na Europa. Dokter Martis a completa diferente subspecialisacion pa asina por brinda un servicio mas amplio na su pashentnan; entre otro echografia di barica, test pa funcion di pulmon (spirometria) y oftalmologia. Dokter Martis ta registra den Registratiecommissie Geneeskundig Specialisten (RGS) como

















huisarts y tambe e register College voor Huisartsen met Bijzondere Bekwaamheden (CHBB).



Durante su trayectoria dokter Martis a obtene amplio experiencia den cuido pa hende grandi (medicina geriaterico), personanan cu ta mentalmente desabilita, cuido paliativo pa pashentnan cu ta terminal, medicina di emergencia, medicina interno y cirugia.



Dokter Mikeeo Martis ta comunica cu fluidez e idiomaan Papiamentu, Hulandes y Ingles. Tur persona cu pa cualkier motibo of otro tin deseo di haci un cambio di dokter di cas, por scoge desde di 01 september 2024 pa acerca dokter di cas Martis na su oficina pa yena (y firma) e formulario di cambio di dokter di cas. Number di telefon di dokter Martis ta 2806146.






Resultado Sorteo Augustus 29			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
9419	1451	6527	5836
3781	5915	SUPER5	8381
0626	4099	92285	5668

MERDIA	ANOCHI
 Sorteo # 4372 2880 7648 7913  FP  Sorteo # 4372 7568  X2  Sorteo # 2428 7773  Sorteo # 4372 5765 Aries  Sorteo # 1246 837  FP	 Sorteo # 8333 7355 5986 5624  fp  Sorteo # 7377 7410  x2  Sorteo # 2082 4485  Sorteo # 6136 5287 Scorpio  Sorteo # 1066 042  FP

 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 275.000,-
 Sorteo # 6578 0 x Jackpot 6 x Match 4 161 x Afl 8,00	02-04-11-13-22 Proximo Jackpot 55.000,-

 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00	Mega Ball Proximo Jackpot 900.000,-
 Sorteo #	Afl. 1.350.000,-

 Sorteo #	
---	---

**Cas Di Cultura**

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

Rode Kruis Aruba

Pedro Gallegostraat 14
Tel: 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Dokter na warda**

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Sta. Anna San Lucas
Tel. 586 8181 Tel. 584 5119

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Cuminda ultraprocesa ta tur caminda; Con malo nan ta?

Parti 2 - Kico nan ta

(AP) - Sea cu bo sa of no, hopi hende no ta pasa ni un dia of ni un cuminda, sin cu nan ta consumi cuminda ultraprocesa.

Tumando Merca como ehempel, cuminda ultraprocesa ta forma te hasta 60% di e dieta di Mericanonan. Pa muchanan y hobennan, e porcentahe ta hopi mas halto ainda. Esaki ta preocupante pa motibo cu cuminda ultraprocesa ta coencta cu un gran cantidad di efectonan negativo riba e salud, for di obesidad y diabetes te cu malesa di curason, depression, demencia y hopi mas. Un di e estudionan ehecuta recientemente a sugeri cu come e tipo di cumindanan aki por aumenta e riesgo di un morto trempan.

Ciencia den nutricion ta dificil, sinembargo, y mayoria di e investigacion tocante esaki a haya conexiennan so pero no prueba concreto tocante e consecucionan den salud di e cumindanan aki.

YARD SALE

saturday 31/8 di 9.00 pa 3.00
sunday 1/9 di 9.00 pa 1.00
Barcadera 32 location via
whatsapp 594 1527 / 735 0331

218309

**El Chalan Bar
Restaurant & Import**

ta busca
"Night Cleaner"
Por yama na
Tel : 582 7591

218306

Auntie Anne's

ta busca
"Counter Bediende"
Por yama na
Tel : 582 8995

218304

MSD Master Cars Garage

ta busca
"Auto Monteur"
Por yama na
Tel : 699 3389

218305

Albacore Trading Company-**Green Fish Aruba**

ta busca
"Cost Controller"
por yama na tel : 5871745

218301

CLAU CORPORATION NV

Ta Busca:
JARDINERO
Orario di trabou 6am pa 3pm
(1 ora di break)
Interesado yama/whatsapp:
Cel 5923266

218239

**Kico ta cuminda ultraprocesa?**

Mayoria cuminda ta procesa, sea pa medio di freeze esaki, mul'e, fermentacion, pasteurizacion of otro procesonan. Den aña 2009, epidemiologo di Brazil Carlos Monteiro y su coleganan a propone pa prome biaha un sistema cu ta clasifica cuminda a base di e cantidad di proceso cu el a pasa aden, no pa e contenido di nutricion.

Na e 4 posicionnan mas ariba ta e cumindanan crea via procesonan industrial y cu ingredientenan manera aditivo, colorantenan y preservativo cu bo no por replica den un cushina na cas, Kevin Hall, un investigador cu ta enfoca riba e metabolismo y dieta na National Institute of Health a comenta. "Esaki ta mayoria,

pero no tur, e cumindanan empaketa cu bo ta mira," Hall a comenta.

E tipo di cumindanan aki ta crea pa ta ambos cheap y irresistiblemente dushi, Dr. Neena PRasad, director di Bloomberg Philantropies su Food Polic program a comenta.

"Nan tin e combinacion perfecto di sucu, salo y vet y bo no por djis stop di come nan," PRasad a bisa.

Sinembargo, e nivel di proceso so no ta determina su un cuminda ta saludabel of no, Hall a nota. Pan integral, yogurt, tofu y formula pa baby tur ta altamente procesa, por ehempel, pero tambe nan ta nutritivo.

Pronostico di tempo

Tempo:

Awe tardi y awe nochi: parcialmente nubia y generalmente seco
Den marduga y mañan: temporalmente hopi nubia cu un awasero breve



Temperatura maximo 34
grado Celsius

Temperatura minimo 28
grado Celsius

Indice di calor (heat index)
den y rond di oranan di merdia: 35 pa 42 grado Celsius

Uv index: 12

Bahada di solo : 6:52 pm
Subida di solo : 6:29 am

Biento:

Moderata for di direccionnan entre oost-noordoost y oost-zuidoost; forsa 3 te 4 (12 te 30km/ora, 7 te 16 nudo). Durante di dia basta fuerte te posiblemente fuerte den rafaga; forsa 5 te 6 (31 te 50km/ora, 17 te 27 nudo)

Situacion general di tempo:

Un ola tropical ta move den parti oost di Caribe y lo plama algo di humedad den region mientras e ta move bay west. Mayoria di weer lo pasa noord di region local. Sinembargo, por spera algun awacero local durante e periodo di pronostico aki cu ainda un chens chikito pa lamper cu strena.

Condicionnan maritimo/estado di lama:

Na partinan protege di costa: keto, rond di 1 pia.
Na partinan zuid: trankil te modera, rond di 2 pia.
Na partinan oost te noordwest di costa: modera cu olanan alrededor di 3 pa 4 pia.

Aurora

Royal Pray

Funeral Home & Crematory

"No me llores, porque si lloras me apeno.
Encambio si tu me cantas yo siempre vivo y nunca me muero"



Juan Gilbertus Schwengle
Cariñosamente yama "Viejo, Tati, Juany, Mr. Schwengle"
*06-10-1955 - †23-08-2024

Na number di: Su forever love:

Odalayne "Oddo" Schwengle-Croes

Su yiunan:

Josette Schwengle y Sandra Correa Ospina

Tahnee Schwengle

Nathan-John Schwengle

Su curazon nan:

Chanelle Odalayne y Clyde-John Maduro

Izaak Sean y Damian John La Croes

Jayden y Christopher Abma Correa

Mescos su nieto/a nan:

Jaydrick Odor, Nicole Robles, Abigail Kock, Aidan La Croes

Su ruman nan:

Filomena "Mena" Schwengle y famia

Margarita "Greta" Schwengle y Famia

†Ingrid Odor-Schwengle y famia

Famia Schwengle na Hulanda

Stima manera ruman:

Amne Hamoud y famia

Diana y Marlon Pieters y famia

Juni y Ellen Pereira y famia

Esther Oftringa y famia

Su unico tanta stima:

Hendrika "Dika" y Edwin Angela-Marin

Su swa y cuña nan:

Aiza Croes y famia

Aldrich y Irene Croes y famia

Randall y Ana-Maria Croes y Famia

Roland Odor

Su subrino/a nan:

Christine, Krystle, Jarlath, Randall, Wesley y Nasya Kevin,

Johnathan, Celine, Silvianne

Su primo/a nan mas jega:

Mariana Jimenez y famia, Andres Garcia y famia, Alex

Aponte y famia, Vladimir de Cuba y Famia, Fidel de Cuba

y Famia, Mirta, Linda y Mieka Rasmijn y famia, Mayra v/d

Linden y famia, Famia Marin, Aurita Maduro y famia

Stima manera mama: Magda Steenen y famia Daphne

Arends y famia

Stima manera tanta: Erla y Marcia y famia

Su comadre y compadre nan stima:

Sonaly Fernandez y famia

Egbert Frigerio y famia Edi Diaz y famia

Rudje Arends y famia

Carlos Bulos y famia

Paul Croes y famia

Su amigo/a nan stima:

Blanca y Jorge, Carlos Molina, Zelda y Godfried, Carmen

y Bito, Mayon, Quetica y Brian, Armand, Harold y Yvone,

Aurita, Cinthia, Marieta, Emily, Estrellita, Mientje, Eveline,

Anchie, Elvia y Alex, Miriam, Desiree, Gloria, Benita, Mi-

nerva, Sharlene, BabyJoy y famia, Zilia y famia, Jani y famia

Su bon amigo/a nan di:

Grupo Theatral Kibrahacha "GTK", DC Brothers, Colegio

Gang y Djiespies

Su ex-collega nan di: St. Dominicus College, Directie

Onderwijs Aruba, Scol di Amor, Traimerdia, ECA NV y

Mascaruba

Demas famia, amigo/a nan y conocir nan:

Schwengle, Croes, Marin, v/d Linden, Verhoeks, Odor,

Aponte, Angela, Jimenez, Wever, Rasmijn, Thijsen, Acosta,

Rosales, Maduro, Krozendijk, Valentijn, Boerman, Brokke,

La Croes, Fernandez, Tromp, de Cuba, Hernandez, Correa

Ospina, Garcia, Heymering, Ruiz, Fingal y Martinez

Un danki ta bai di curason na:

Dr. Joaquin v Trigt y staff

Dr. Casper Lacle y staff

Dr. Romeo Kock y staff

Personal di Ambulance y polis cu a lucha te na fin

Su ayudante nan di cas:

Milena, Pedro, Julio y Surette

Ta invita pa e acto di condolencia dia 02 September 2024 di

7.00pm - 9.00pm na Aurora Funeral Home. Despedida lo

tuma lugar dia 03 September 2024 di 1.00pm - 4.00pm na

Aurora Funeral Home.

Nos disculpa si por a lubida di pone algun famia, amigo/a

of conocir. Despues di despedida nos NO ta ricibi bishita

na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Paz mi ta Laga pa boso ,
mi Paz mi ta Duna boso
no manera e mundo aki ,
no Laga boso curazon bira
inrankiel ni lague tene
miedo .

Juan 14:27



Cu dolor y di tristeza ta anuncia fayecimiento
na un bonita edad di 96 aña di nos mama,
wela, bisawela, ruman, tía, prima, comer
stima:

Sra. vda. Crescentia Anjie-Tromp
Mihor conocí como "Chencha".

Di parti di su yiunan:

Reina R. y Hans van Houwelingen - Anjie

Yolanda M. y Dick Dekker - Anjie

Maricella J. y Robert Bonifacia - Anjie

Joseph R. Anjie y Valeria Lopez

Franklin A. Anjie

Ingrid E. Anjie y Marcel Kouwenberg

Robert F. E. Anjie

Nietonan:

Richard - Michael - Jeroen - Oswald -

Barbara - Zavino - Zhandro- Franklin -

Danielle - Suzanne - Amberlee

Bisanietonan:

Ricardo - Luis - Milo - Mick- Mido - Kiki -

Sammy - Xavi - Xem - Tymo - Lilly - Alina

- Eiza

su rumannan:

Jacinto Tromp

Tomas y Livia Tromp - Weller

Sobrino y sobrinanan:

Gladys y famia - Franklin y famia - Frederic y

famia - Ester y famia

Cuñanan:

Maria Donata - Alberta Tromp

Demas famia: Tromp - Anjie - Erasmus -

Trimon - Jacobs - Fingal - Geerman - Lacle

- Oduber - Farro - Petrochi - Semeleer -

Quilotte - Alvarez

Bisiñanan y conociernan y su dos verzorgster
Elizabeth y Maria.

Nos ta pidi nos disculpa si di nos tristesa nos
por a lubida un of otro famia of conocirnan.

Acto di condolencia y entiero lo tuma lugar
na Aurora Funeral Home diabierna 30 di
Augustus 2024 di 9or pa 11or di mainta.

Despues nos lo hiba Crescentia na su ultimo
lugar di sosiego na Santana Catolico na
Noord.

Nos ta prefera di no haya bishita di
condelencia na cas.


Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Su biahe na e mundo aki
por a yega na su fin, pero
su impacto den nos bida
nunca lo termina. Den cada
recuerdo keri, su presencia
ta keda ancla, brindando nos
consuelo y guiando nos pa bai
dilanti". - A.M.



Cu imenso tristesa ta anuncia fayecimiento di:

Stefanus Adrianus Maduro
Mihor conoci como "Quito"
*02 September 1955 - †20 Augustus 2024

Na number di su

Casa:

Roslin Kock

Yiunan:

Luigi Maduro y Farrah Farro

Amanda Maduro y Alan Coutinho

Letizia Maduro y Yonina Sint Jago

Nieta y nietonan:

Imani, Ezra y Hendrix

Louie y Miles

Rumannan y famia:

†Norma Maduro

†Wijki Maduro, Chibi de Cuba y famia

†Joe Maduro, Myra Maduro-Arends y famia

Freddy Maduro, Gianna Koolman y famia

†Jichi Maduro, Gerry Harmsen y famia

Alchi y Maria Maduro y famia

Demas famia:

Lulu y Neeuw Lioc-A-Tjam y famia

Tur su primo, primanan y nan famia

Swa y cuñanan:

Margriet y Toy Balentin y famia

Niek Kock, Gabiria Kock-Dijkhoff y famia

Milly Kock, †Ewoud Jonker y famia

Monty Kock, Roelien Hofman y famia

Evelyn y José Suarez y famia

Ex-coleganan y amistadnan

Ex-coleganan di Colegio Arubano, Colegio EPI,

Universidad di Aruba, Simar, Skol & Komunitat, OPPA,

Banda Musical OPPA y Chapo Great

Ex-studiantenan di Colegio Arubano, Colegio EPI y

Universidad di Aruba

Amistadnan di Colegio Gang 70's y hopi otro amigo- y
amiganan na Aruba y den exterior, especialmente esunnan
hopi cerca di curason

Programa:

Acto di despedida ta tuma lugar diasabra 31 di augustus na

Pray Funeral Home San Nicolas cuminsando for di 5or di

atardi te 9or di anochi.

Oportunidad pa condolencia ta di 5or pa 8or p.m.

Reflexion riba Quito su bida: 8or pa 9or p.m.

Na lugar di krans of flor, lo aprecia un donacion na
Fundacion Pasadia Infantil Te Aworo San Nicolas. Lo tin
un box disponibel pa donacion.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Salmo 23. "Señor ta mi wardador mi n' tin falta di nada.
Maske mi pasa den e klof di mas skur mi n' tin miedo di nada"

Cu imenso dolor y tristesa na nos curason nos ta anuncia falecimiento di:



Sra Vda. Higinia Marciana Victorina Ras

Mihor conoci como Ina, Inche, Ind
Ina La Bailarina.
Casa di † Carlos Boekhoudt
*06-03-1954 - †27-08-2024

Mama: † Anna Grovell
Tata: † Hyacintho Ras
Padraastro: † Sylvio Cominencia

Su yuinan:

Micheal Ras y yui
Gregory y Carolina Sanchez y famia
Anthony Sanchez y yui
Angelo Sanchez y yui nan

Nieta Stima Manera yui:

Naomi Wilson y Chris Dirksz y famia.

Su Ruman nan:

Diana Ras y Freddy Kelly y yuinan
Norma Ras y Jairo Violenus y yuinan
Freddy y Lisette Ras-Rodriguez y yuinan
Seagrid y Nel Frank-Ras y yuinan
†Hyacintho Ras y yuinan
Claudia y Tino van der Biezen-Ras y yuinan

Nieto y Nietanan, Bisanieto y Bisanieta nan, Tanta y Omo nan, Primo y Prima nan
Subrino y Subrina nan / Iha nan / Swa y Cuña nan.

Su bon Amigo di Cas:

Roy Sneek
Chito Volk
Rose Volk di Corsow

Demas Famia nan y demas conocir mucho hopi pa menciona na Aruba, Hulanda, Corsow, Bonairo, USA, Inglatera. Grupo di fiesta / Grupo di Song Festival bot.
Su ex-colega nan di Renaissance Island Aruba / RED Sail Sport (Peter de Hoog),
Aura Bremo (lotto)

Na Nombor di Famia y conocirnan: Ras, Boekhoudt, Grovell, Geerman, Sanchez, Aparicio, Kelly, Violenus, Rodriguez, Frank, van der Biezen, Wilson, Donata, Franken, Matos, Kock, Solognier, Bislip, Quant, Ridderstap, Goeloe, van der Linden, Tromp, Casuela, Pannefle, Paesch, Schwengle, Gamara, Wouters, Simon, Flanders, Silberie, Ruiz, Werleman, Jansen, Lejuez, Lopes.

Demas Famia nan y Conocir nan na Corsow: Cominencia, Martina, Maduro, Julia.

Deseo di defunto ta pa bisti alegre, enbes di flor lo tin un box disponibel pa hasi donacion pa Hospice Atardi

Dispensa si den nos tristeza nos por a lubida algun familiar y amigo nan.

Ta invita tur famia, amigo, bisña y conocir nan pa asisti na acto di condolencia cual lo tuma lugar Dialuna 02 Augustus 2024 di 7pm -9pm. Creamacion Diamars 03 September 2024 di 2pm – 4pm atardi na Pray Funeral Home San Nicolas.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason.
“Cerca Dios mi alma ta na paz, ta di DJ'E mi salvacion ta bin”
Salmo 62:1



Cu dolor na nos curason nos ta anuncia fayeimiento di:

Mildred Gertrude de Cuba

Mihor conoci como: "Mimi of Tia Mimi"
*15-03-1941 - †22-08-2024

Na nomber di su:

Rumannan:

†Grace, †Hans
†Ronnie, †Rina
Eric y Maria
†Nochi, Joyce
Roy y Mena
Nel y Enid
†Anthony, †Zoraida
Isaac y Claire

Sobrino(a)nan:

Inge, Jerry, Heidi
Marilyn, Astrid, Ronchi, Rachelle
Eric Jr, Gillian, Javier
Ariadne, Diantha, Norman Jr.
Dorothy, Astrid, †Ricky, Roberto
Diahnne, Lionel
Isaiah, Zoë
Nigel, Nadine

Tanta:

Rina Arendsz-de Cuba y famia
Candi de Cuba y famia

Demas famia, primo(a)nan, amistadnan y bisñanan.

Ta invita pa e acto di condolencia y entierro cu lo tuma lugar Diasabra 31 di augustus 2024 na Aurora Funeral Home di 9:00 am pa 11:00 am y despues lo Sali bai pa santana catolico na Playa. Considera esaki como un invitashon personal.

Aurora Royal Pray Funeral Home & Crematory

“Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso tristeza na nos curason, nos ta participa fayeimiento di

Arsenio R. Willems

Mihor conoci como: "Tilo"
*02-08-1960 - †28-08-2024

Acto di entierro lo wordo anuncia despues.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Ki alegria, ora nan a bisa mi:
"Ban cas di Señor!"
I awor, ata mi aki para na bo porta Señor.
Salmo 122



Cu dolor na nos curason pero conforme cu Dios su boluntad, nos ta anuncia fayeimiento di nos casa, tata, welo, bisawelo, ruman, omo:

Vicente Querino Ras

Cariñosamente yama:
“Querino”

*19-07-1946 - †22-08-2024

Na nomber di su:

Esposa: Heddy Ras-Ponson

Yiunan:

Deyanira y †Mervin Tromp-Ras
Jairo
Vladimir y Stephanie Ras- Biladeau
Renwick y parcha

Nieto(a)nan:

Raimbert Ras y Teresa Tromp
Marvelynne Tromp y Jermaine Wilson
Myron Tromp
Ayrton Ras y Myriexmar Nuboer
Manuela Gonzalez
Adriana Ras
Shayla Biladeau

Bisanieto(a)nan:

Ashton
Axmary
Luciana

Rumannan:

†Maximon & †Brunetta
Olga y †Maximo
Joseph y Mirna
Ivanio y Reinalda
Juancito y Annelies

Su Iha:

Monique Kemp-Ras
Tur subrino y subrinanan, primo y primanan,

Su care givers nan di Koningin Wilhelmina Kankerfonds
sra. Evi Popke, Joe Dirks y Lola Geerman

Famianan:

Ras, Ponson, De Mey, Tromp, Wanopa, Nicholson, Biladeau, Quandus, Webb, Wauben, Capriles, Curie, Winterdaal, de Cuba, Kock, Dirks, Donata, Olive, Maduro, Croes, Kelly, Wilson, Pabon, Baarh, Chen, Pellemans y demas famianan na Aruba, Merca y Hulanda.

Gruponan:

Coro La Escala
Koor Amical
Academia Musical Harpa y Cuarta
Flor di Aloe
Koor San Fransisco

Ta invita demas famia, bisña, amigo(a)nan y conocirnan pa asisti na e acto di entierro cual lo tuma lugar Diabierna 30 Augustus 2024 na Pro Cathedral San Francisco for di 2'or pa 4'or di atardi. Despues nos lo hiba Querino na su ultimo lugar di sosiego na Santana Catolico na Paradera.

Oportunidad pa Condolencia lo tuma lugar Diahuebs, 29 di Augustus 2024 na Aurora Funeral Home for di 7or pa 9or di anochi.

Nos disculpa cu si den e momento nan di tristesa aki nos por a lubida di menciona un famia of conocir.

Ta lamenta cu despues di entierro nos no por ricibi bishita di condolencia na cas.

*Mirando e tremendo cuido y atencion brinda door di Koningin Wilhelmina Fonds un donacion lo ta altamente aprecia. Lo tin un box disponible pa esaki.

A urgi UE pa reconsidera relacion cu Israel pa via di Gaza y impone sancion contra algun minister

(AP)—E Union Europeo mester reconsidera su relacionnan cu Israel mientras e conteo di morto ta subi na Gaza y West Bank y impone sancion riba algun ministernan di gobierno Israeli acusa di fomenta odio racial, Irlanda y e top diplomaat di e aliansa a bisa ayera.

Durante un reunion di ministernan di asunto den Exterior den UE, e minister di Irlanda a acusa Israel di intencionalmente dirigi ofensiva riba ciudadano como tambe militantenan di Hamas cu e campaña militar cu el a lansa casi 11 luna pasa.

“Esaki ta un guerra contra Palestinonan no solamente Hamas. E nivel di causalidadnan civil y morto ta excesivo,” segun Michael Martin a conta reporteronan. “E ta un guerra riba e poblacion. No tin punto pa purba tap’e.”

E ofensiva di Israel riba Gaza a mata mas cu 40,000 hende, segun e oficialnan di Salud local, desplazando 90 porciento di e poblacion y a destrui su ciudadnan principal. Hamas a perde miles di luchador y hopi di su infraestructura militante.

Violencia tambe a aumenta den West Bank desde cu e



atake di Hamas dia 7 di october dentro di e parti sur di Israel a causa e guerra eyan. Israel a lansa un operacion di scala grandi den e West Bank e siman aki, den cual Hamas a bisa dies di su bringadornan a ser asesina den diferente sitio.

Martin a bisa cu un opinion legal publica pa e Corte Internacional di Husticia cu e ocupacion di Gaza y e West Bank ta inhusto ta obliga e UE pa tuma accion. E Palestinonan a aplaudi’e como un “momento historico pa

Palestina, pa husticia y pa ley internacional.”

“E no por ta ‘business as usual,’” Martin a conta reporteronan. “Ta hopi claro pa nos cu ley humanitario internacional a ser kibra.”

Relacion entre e UE y Israel—cual ta partnernan di comercio—ta goberna pa un yamado Association Agreement. Irlanda y Spaña ta pushando nan partnernan di UE pa examina si Israel a kibra e reglanan.

UE ta e top proveedor di ayudo pa Palestinonan pero tintiki maneho riba Israel, notablemente pasobra e 27 pais miembronan ta profundamente dividi den nan acercamiento. Austria, Alemania y Hungria ta apoyantenan di Israel, mientras Irlanda y Spaña ta mas vocal den nan apoyo pa e Palestinonan. Asina mes, e aliansa tin credibilidad como un proyecto Europeo funda riba paz.

Chief di politica di Asunto den Exterior di UE, Josep Borrell, cu e apoyo di Irlanda,

a urgi e ministernan pa considera impone sancion riba cierto miembro di e gabinete di prome minister Israeli Benjamin Netanyahu pa via di nan remarkenan tocante e guerra na Gaza.

“Algun ministernan Israeli a lansa mensahenan odioso, mensahenan odioso inacceptable, contra e Palestinonan y proponiendo cosnan cu claramente ta bay contra ley internacional y ta un (incitacion) pa comete mas crimen,” Borrell a bisa.

Borrell no a nombra e ministernan, pero na comienso di luna el a critica e minister di Finanzas Israeli, Bezalel Smotrich, pa sugeri cu e poblacion di Gaza den hamber “por ta husto y moral” te cu e rehennan captura desde e atake di dia 7 di october regresa cas.

Borrell a bisa cu no mester tin “taboo” pa preveni UE garantisa e ley humanitario internacional ser respeta. Despues di e reunion, Borrell a concede cu e movida no a ricibi apoyo unanimo, pero el a bisa cu el a lansa e trabao tecnico rekeri pa impone sancion, si UE acorda finalmente. “E ministernan lo dicidi, ta keda na nan manera semper, pero e proceso a ser lansa,” el a conta reporteronan.

4 hende incluyendo un agente militar a ser secuestra na Pakistan

(AP)—Supuesto militantenan a secuestra cuatro hende, incluyendo un agente militar cu tabata sintando den un moskee den un forte di e Taliban Pakistan pa ricibi hende den luto despues di asisti e entierro di su tata, oficialnan a bisa ayera.

Ningun hende a tuma responsabilidad di e secuestro di Lt. Col. Khalid Khan y tres otro den Dera Ismail Khan, un districto na e provincia Khyber Pakhtunkhwa den noroeste Pakistan.

Autoridadnan local a bisa cu un video di Khan, mustrand e den custodia di e Taliban Pakistani, a ser manda anonimamente na su famia. Den e video, por mira Khan sinta dilanti hombernan arma y urgiendo e gobierno pa acepta e demandanan di e Taliban Pakistani. No tabata claro



kico e demandanan aki ta.

Un agente policial local, Ikram Ullah, a bisa cu esfuersonan pa rastrea y recupera e personanan secestrata na caminda, kende ta inclui Khan, su dos ruman homber

cu tambe ta oficialnan di gobierno, y un di su sobrinonan. Aunke e Taliban Pakistani ta dirigi atake riba forsanan di seguridad den e noroeste, secuestronan asina no ta comun.

E grupo, conoci como Tehrik-e-Taliban Pakistan or TTP, tin un presencia fuerte den e noroeste restivo. E ta separa for di e Taliban Afgano pero ta alia cune, y e grupo a bira mas predominante desde cu e Taliban Afgano a tuma

over control di Afghanistan na 2021.

E secuestronan a bin algun dia despues cu e separatistanan Baloch, ken ta aliadonan di TTP, a tira y mara mas cu 50 hende, incluyendo 14 forsa di seguridad, den un di e atakenan mas mortal den e provincia di Balochistan.

Prome minister Shehbaz Sharif a biaha pa Quetta, e capital di Balochistan, ayera unda el a ricibi informacion tocante e operacionnan andante contra insurgentenan, oficialnan a bisa. Despues, Sharif a priminti pa elimina terrorismo den remarkenan televisa, bisando cu e “terroristanan” ey cu a orkesta e atakenan recien den Balochistan ta enemigonan di Pakistan y lo ser aborda cu un man fuerte.

BIBA MAS MIHO CU AMC UNICON CREDITO FACIL

Nos kier pa bo biba mihor
cu **AMC Unicon credito facil**

- * **Cero deposito**
- * **Condicion di pago flexibel**
- * **Aprobacion sin problema**
- * **Diferente metodonan di pago**
- * **Proteccion di pago**

amc unicon

Contrabandista ta tira migrantenan for di boto pa evita aresto, segun Wardacosta Griego

(AP) – Contrabandistanan cu ta hiba migrantenan for di Turkia pa e islanan oriental di Grecia den dos caso a adopta e tactica peligroso di tira algun pasajero for di nan speedboat den lama pa evita nan captura door di Wardacosta cu ta persigui nan, segun autoridad Griego a bisa.

E ocho migrante cu a tira den lama a ser rescata den ambos caso cu a registra durante fin di siman. E incidentenan ta bin mientras cu contrabandistanan ta usando speedboat, en bes di e botonan inflabel di motornan chikito cu nan a usa pa añanan y ta adopta tacticanan mas y mas agresivo pa evita patruyanan maritimo Griego.

Siman pasa, Wardacosta a cuminsa tira y mata un migrante despues cu un speedboat supuestamente a dal su barco den Lama Egeo durante un persecucion.

Wardacosta Griego a bisa

diamars cu den un caso den fin di siman, un Palestino y un homber Afgano cu tabata pilotia un speedboat tambe a purba di dal un boto di patrulla cu tabata persigui nan banda di e isla di Kos. Despues supuestamente nan a obliga cinco pasajero bula den lama y huy bay direccion di

e isla mientras cu wardacosta a para pa rescata e migrantenan.

Trinta migrante cu tabata abordo di e boto a ser localisa despues riba tera seco, mientras cu e dos supuesto traficante a keda deteni.

Den un di dos incidente dilanti di e isla di Symi, a forsa tres migrante pa bula for di e boto di e contrabandistanan den persecucion, Wardacosta Griego a bisa. Esey a permiti e contrabandistanan regresa na awanan di Turkia cu e resto di e pasajeronan, cu a ser busca pa un barco di Ward-

acosta di Turkia.

E tres migrante rescata den awanan Griego a bisa cu nan a paga 4,500 dollar cada un pa e biahe, segun un comunicado di Wardacosta Griego.

Gangnan di contrabanda a adapta den e ultimo lunanan pa trata cu vigilancia estricto Griego di e awanan di e parti este di Lama Egeo. Ademas di e uso agresivo di botonan di velocidad halto, nan a bira tambe pa rutanen nobo a traves di Lama Egeo central, mientras cu e cantidad di migrantenan cu ta haci e biahe mucho mas largo for di Libia pa e isla Griego di Grita a aumenta.

Segun e data for di e agencia di refugiado di ONU, aproximadamente 31,500 migrante a yega Grecia ilegalmente e aña aki. Esey ta un poco menos cu e cantidad cu a yega Italia y Spaña, e destinacionnan principal pa hende drenta Europa ilegalmente.

